

精校

張

氏

醫

通

本經逢源卷四

上海錦章書局  
出版

張氏醫通

全書十六册  
書券另計

---

原編者： (清) 張石頑

出版者

商務印書館

上海(12)太倉路135號

印刷者

瑞文橡皮印刷廠

上海芝罘路30弄6號

經售者

上海圖書發行公司

上海山東中路128號

---

1955年5月重版 1955年5月第一次印刷  
印數 0001—1500 定價 陸元叁角肆分

長洲石頑張 路路王父纂述

蟲部

蜂蜜 甘平無毒。入調補藥用白蜜。瀉火藥用赤蜜。味酸者不堪入藥。不可與王蠶同食。同食令人不利。凡煉蜜。灰火慢煉。掠去浮沫。至滴水成珠為度。煉成每斤入陳酒四兩再熬沸。和藥為丸。則藥力易化。本經主：心腹邪氣。諸驚癇瘥。安五藏。補不足。益氣。補中。止痛解毒。除眾病。和百藥。久服強志。輕身。不致老。發明：蜂采蜜。毒之花醞釀而成。生則性涼清熱。故能治心腹之邪氣。熟則性溫補中。安五藏。諸不足。甘而和平。故能解毒。柔而潤澤。故能潤燥。緩以去急。故能主心腹肌肉瘡瘍之痛。仲景治陽明結燥。大便不通。用蜜煎導法。取其能通結燥而不傷腸胃也。凡滋補藥。俱用煉白蜜。丸取其和脾潤肺也。赤蜜味酸。食之令人心煩。惟降火藥用之。白蜜雖補脾肺。然性涼潤。脾胃不實。腎氣虛滑。及濕熱痰滯。胸痞不寬者。咸須忌之。故瓊玉膏用糖霜。枳朮丸用荷葉裹飯。佐金丸用米飲。牛黃丸用蒸餅。黑錫丹用酒糊。慈珠丸用神麴。虎潛丸用酒。香連丸用醋。茸珠丹用紅棗。滾痰丸用水泛。各有所宜。今人修製丸劑。緊用蜂蜜。殊失先哲用方之義。

蜜蠟 淡平無毒。本經主下痢膿血。補中。續絕傷。金瘡。益氣。不饑。耐老。發明：蜜成於蠟。萬物之至味。莫甘於蜜。莫淡於蠟。得非厚此薄彼耶。仲景治痢有調氣飲。千金治痢有膠蠟湯。蓋有見於本經之義也。淡為五味之本。胃為五藏之源。故能補中續傷。蓋有得於太極也。甄權治孕婦胎動。下血不絕。欲死。以雞子大一枚。煎三五沸。投美酒半升。服立瘥。又能解毒。故蠟。礬丸用之。為君。華陀治下痢。食入即吐。用白蠟方寸匙。雞子黃一枚。石蜜苦酒。髮灰黃連末。各半雞子殼。先煎蜜蠟。苦酒雞子四味。令勻。乃納連末。髮灰。熱至可丸。乃止。二日服。盡神效。

露蜂房 苦酸平有毒。本經主驚癇。瘰癧。寒熱邪氣。癩疾。鬼積。蠱毒。腸痔。火熬之良。發明：露蜂房。陽明藥也。本經治驚癇。癩瘕。寒熱邪氣。蠱毒。腸痔。以其能祛滌痰垢也。瘡瘍。蠱痛。及他病用之者。皆取其以毒攻毒。殺蟲之功耳。

蠟 一名果蠟。辛平小毒。本經治久聾。殺逆毒氣。出刺出汗。發明：詩言螟蛉有子。蜾蠃負之。言細腰之蜂。

取青蟲之子。教祝變化成子也。大明治嘔逆。生研能著竹木刺。卽本經出刺出汗。取其毒之銳。以出其刺也。

蠱白蠟 甘溫無毒。發明 蠟樹屬金。性專收斂。堅強之氣。其葉能治瘡腫。蟲食其葉而成。與桑螵蛸無異。為外科之要藥。取合散皮同入長肉膏中。神效。令人治下疳服之。未成卽消。已成卽斂。以半兩入鯽魚腹中煮食。治腸紅

神效。

紫釧卽紫草 甘鹹平小毒。發明 紫釧乃驢蹄樹上蟻壤。聚其脂液而成。與蜂釀蜜無異。出真蠟為上。波斯次

之。古方治五藏邪氣。金瘡崩漏。破積血。生肌止痛。令人專治痘瘡。有活血起脹之功。無鹹寒作瀉之患。其功倍於紫草。故以紫草茸呼之。實非紫草同類也。

五倍子卽刺 苦酸鹹平無毒。產川蜀如菱角者佳。法釀過名百藥煎。每五倍末一斤。入桔梗甘草真茶各一兩。為

末。入哮喘二兩。拌和置糠中窖。待起如發麩狀卽成矣。作餅晒乾用。發明 川文蛤善收頑痰。解熱毒。黃昏致嘔。

乃火氣浮於肺中。不宜用涼藥。宜五倍五味斂而降之。若風寒外觸暴嘔。及肺火實盛者。禁用。以其專收而不能散

也。故痰飲內盛者。誤用則聚斂於中。往往令人脹閉而死。為未收脫肛及子腸墜下。百藥煎性浮。味帶餘甘。治上

焦痰嗽熱渴諸病。含嚙尤宜。煨過主下血。烏鬚髮消腫毒。斂金瘡。治喉痹口瘡。摻之便可進食也。

桑螵蛸 甘鹹平無毒。桑枝上螳螂子也。火炙黃用。本經主傷中。疝瘕。陰痿。益精生子。女子月閉腰痛。通五淋利

小便水道。發明 桑螵蛸肝腎命門藥也。功專收澇。故男子虛損腎衰陽痿。夢中失精遺瀉白濁。方多用之。本經

又言通五淋。利小便水道。蓋取以泄下焦虛滯也。桑螵蛸散。治小便頻數如稠米泔。心神恍惚。瘦悴食少。得之。女勞

者。方用桑螵蛸。遠志。龍骨。菖蒲。人參。茯苓。當歸。龜甲。各一兩。卧時人參湯調下二錢。如無桑樹上者。以他樹上者。濃

煎桑白皮汁佐之。若陰虛多火人。誤用反助虛陽。多致洩赤。莖痛強中失精。不可不知。生研爛塗之。出箭鐵。

雀甕一名站蠍 甘平小毒。本經主寒熱結氣。蠱毒鬼疰。小兒驚癇。發明 雀甕站蠍也。其蟲夏生葉上。背

上有刺。螫人故名。載毛。秋深葉盡。欲老。口吐白沫。凝聚漸硬。在中成蛹。如蠶。至夏羽化而出。其形有似蜻蜓。而翅黑

稍潤。故子葉上而生。站蠍謂雀甕者。以雀好食其蛹也。入藥。惟取石榴樹上者。連蛹炙焙用之。蘇頌曰。今醫家治小

兒驚癇。用雀甕子連蟲。同白殭蠶。全散各二枚。微炒搗末。煎麻黃湯調服。一字。日三服。大效。藏器治小兒撮口。不得



飲乳但先勞曰傍見血以雀甕打破取汁塗之

原蠶蛾 鹹溫小毒。取未交雄蛾，紙封焙乾，拌椒密藏，則不蛀。本經主心腹邪氣，起陰痿，益精氣，強志生子，好顏色，補中輕身。發明：蠶之性稟淫，火力專助陽，其子在臘月中，非以重鹽鹽透，水漬曝乾，則繭不能繅絲。出子之後，非桑不食。本經主心腹邪氣，皆桑之餘力。猶蠶蠶之治風疾，蠶繭之療癰腫，蠶沙之去風濕耳。其起陰痿，益精氣，強志生子，卽別錄之益精氣，強陰道，交精不倦，亦能止精。若合符節，好顏色，令人面色好之互辭。補中輕身者，以其善補真陽，陽主輕捷故也。詳參經旨。洵為原蠶主治無疑。奈何集本草者，誤列樗雞之下，致力正之。

白殭蠶 鹹辛平無毒。色白者良。入藥惟取直者為雄，去黑口及絲炒用。本經主小兒驚癇，夜啼，去三蟲，滅黑黚，令人面色好，男子陰瘍病。發明：殭蠶蠶之病風者也，功專祛風化痰，得乎桑之力也。本經治驚癇，取其散風痰之力也。去三蟲，滅黑黚，男子陰瘍，取其滌除浸淫之濕。三蟲亦濕熱之蠹也。凡咽喉腫痛，及喉痺用此，下咽立愈。其治風疾，結核頭風，皮膚風疹，丹毒作癢，疔蝕金瘡，疔腫風疾，皆取散結化痰之義。

蠶繭 甘溫無毒。發明：蠶繭治癰腫無頭，燒灰酒服。次日卽破，煮湯治消渴，繅絲湯及絲綿煮汁，功用相同。

蠶退 甘平無毒。卽老蠶眠起所蛻皮，入藥微炒用。今以出過蠶之紙為馬明退，非也。發明：蠶非桑葉不生，得東方水氣之全，故能治風病血病，而蛻治目中翳障。較之蟬蛻更捷，惜乎一時難覓。

蠶沙 甘辛溫無毒，微炒用。發明：蠶沙療風濕之專藥。有人病風痺，用此焙熟，絹包熨之，治爛弦風眼，以麻油浸蠶沙二三宿，研末塗患處，過宿卽愈。蠶沙置酒罈上泥好，色清味美，然惟晚者為良。早蠶者不堪入藥，以飼時火烘，故有毒也。

九香蟲 鹹溫無毒。發明：九香蟲產貴州，治膈腕滯氣，脾腎虧損，壯元陽，攝生方。烏龍丸用之。

雪蠶 甘寒無毒。發明：雪蛆生峨眉，山北積雪，歷年不消，其中生此大如瓠，味極甘美，故能解內熱渴疾。方物中之最益人者也。

蜻蛉 蜻蛉赤者名赤辛，微寒無毒。發明：蜻蛉生水中，而能暖水藏，強陰音精，而赤者性猶壯熱，助陽藥用之。

蜻蛉 蜻蛉赤者名赤辛，微寒無毒。發明：蜻蛉生水中，而能暖水藏，強陰音精，而赤者性猶壯熱，助陽藥用之。

蜻蛉 蜻蛉赤者名赤辛，微寒無毒。發明：蜻蛉生水中，而能暖水藏，強陰音精，而赤者性猶壯熱，助陽藥用之。

蜻蛉 蜻蛉赤者名赤辛，微寒無毒。發明：蜻蛉生水中，而能暖水藏，強陰音精，而赤者性猶壯熱，助陽藥用之。

蜻蛉 蜻蛉赤者名赤辛，微寒無毒。發明：蜻蛉生水中，而能暖水藏，強陰音精，而赤者性猶壯熱，助陽藥用之。

蜻蛉 蜻蛉赤者名赤辛，微寒無毒。發明：蜻蛉生水中，而能暖水藏，強陰音精，而赤者性猶壯熱，助陽藥用之。

蜻蛉 蜻蛉赤者名赤辛，微寒無毒。發明：蜻蛉生水中，而能暖水藏，強陰音精，而赤者性猶壯熱，助陽藥用之。

蜻蛉 蜻蛉赤者名赤辛，微寒無毒。發明：蜻蛉生水中，而能暖水藏，強陰音精，而赤者性猶壯熱，助陽藥用之。

蜻蛉 蜻蛉赤者名赤辛，微寒無毒。發明：蜻蛉生水中，而能暖水藏，強陰音精，而赤者性猶壯熱，助陽藥用之。

蜻蛉 蜻蛉赤者名赤辛，微寒無毒。發明：蜻蛉生水中，而能暖水藏，強陰音精，而赤者性猶壯熱，助陽藥用之。

蜻蛉 蜻蛉赤者名赤辛，微寒無毒。發明：蜻蛉生水中，而能暖水藏，強陰音精，而赤者性猶壯熱，助陽藥用之。

蜻蛉 蜻蛉赤者名赤辛，微寒無毒。發明：蜻蛉生水中，而能暖水藏，強陰音精，而赤者性猶壯熱，助陽藥用之。

蜻蛉 蜻蛉赤者名赤辛，微寒無毒。發明：蜻蛉生水中，而能暖水藏，強陰音精，而赤者性猶壯熱，助陽藥用之。

樗雞脚 苦平有毒。不可近目。去翅足。同糯米炒。去米用。發明 樗雞厥陰經藥也。能活血散血。治目翳。撥雲

膏中與芫青斑蝥同用。亦是活血散結之義。能通血閉。行瘀血。主瘰癧。辟邪氣。療犬傷。治偏頭風。用紅娘子青娘

子各七枚。去翅足。炒為末。同葱莖搗塗痛處。周時起泡去之。孫一奎治血蠱。用抵當丸以樗雞易水蛭。三服血下。脹

消。形神自復。與薛新甫治水腫椒仁丸中芫青不殊。一走血而下瘀。一走氣而破水。皆峻劑也。綱目以本經原蠶蛾

主治。誤列於此。今正之。

芫青脚 辛溫有毒。去翅足。同糯米炒。去米用。發明 芫青居芫花上而色青。故能泄毒攻積。破血墮胎。功同

斑蝥。而毒尤猛。芫花有毒故也。其治瘋犬傷。消目翳。刮偏頭風。塞耳聾。皆取其毒銳也。又治月閉水腫。椒仁丸方用

之。

斑蝥 辛鹹溫有毒。去翅足。同糯米炒熟。或醋煮用之。本經主寒熱鬼疰。蠱毒。鼠瘻。瘡。疽。蝕死肌。破石癰。發明

斑蝥人獲得時。尾後惡氣射出。臭不可聞。其性專走下竅。利小便。故本經言破石癰。能攻實結。而不能治虛秘。不

過引藥行氣。以毒攻毒而已。但毒行小便。必澀痛。當以木通滑石導之。其性猛毒。力能墮胎。虛者禁用。瘋犬傷。先於

患人頭上拔去血髮二三莖。以斑蝥七枚。去翅足。炙黃。同蟾蜍搗汁服之。瘡口於無風處糊去惡血。小便洗淨。髮灰

敷之。服後小便。當有瘀毒泄出。三四日後。當有肉狗形。三四十枚為盡。如數少。再服七枚。若早服。雖無狗形。永不發

也。

葛上亭長 辛溫有毒。去翅足。同糯米炒。去米用。發明 亭長大毒。善通淋。及婦人經脈不通。以五枚研末。服三

分。空心甘草湯下。須臾臍腹急痛。以黑豆煎湯服之。即通。此蟲五六月為亭長。頭赤身黑。七月斑蝥。九月為地膽。隨

時變化。其毒可知。

地膽 辛溫有毒。同糯米炒。去米用。本經主鬼疰。寒熱。鼠瘻。惡瘡。死肌。破癥。瘕。墮胎。發明 地膽有毒。而能攻

毒。性專破結墮胎。又能除鼻中瘰肉。下石淋。功同斑蝥。力能上涌下泄。

蜘蛛 微寒有毒。其種類不一。惟用懸網者入藥。發明 仲景治陰狐疝氣。偏有大小。時上時下者。蜘蛛散主之。以其入肝。性善循絲上下。故取以治。舉丸上下之病。別錄治大人小兒疳疔。又治乾霍亂服之。能令人利。其邪得以

下池也搗汁塗蛇傷效

壁錢 無毒。發明 生壁間似蜘蛛而形扁其膜色白如錢故名治鼻衄及金瘡出血不止取蟲汁注鼻中及點瘡上同人中白等分燒研治疳又治喉痹。

蠍 辛平有毒被螫者以木碗合之即愈去毒及足用亦有獨用其尾者其功尤捷滾醋泡去鹹炒乾用。發明

蠍產於東方色青屬水治厥陰諸風掉眩及小兒胎驚發搐最為要藥左半身不遂口眼喎斜語言蹇澀手足抽掣瘧疾寒熱耳聾無聞疝氣帶下無不用之蠍尾膏治胎驚發搐用蠍梢二十一枚麝香少許屢效東垣治月事不調寒熱帶下有丁香柴胡湯方用羌活柴胡當歸生地丁香全蠍益取以散血分之風熱耳。

水蛭 鹹苦平有毒水蛭是小長色黃挑之易斷者勿誤用泥蛭頭圓身潤者服之令人眼中如生烟漸至枯損凡用水蛭曝乾猪油熬黑令研極細倘多不透雖為末經年得水猶活入腹尚能復生凡用須預先熬黑以少許置水中七日内不活者方可用之 本經逐惡血瘀血月閉破血瘕積聚無子利水道 發明 鹹走血苦勝血水蛭之

鹹苦以除畜血乃肝經血分藥故能通肝經聚血攻一切惡血堅積本經言無子是言因血瘕積聚而無子也別錄云墮胎性劣可知昔人飲水誤食水蛭腹痛面黃飲泥漿水數碗乃得下蓋蛭性喜泥得上氣隨出或用牛羊熱血同猪脂飲亦下或以梅漿水多飲則蛭溶化而出也

蛆 苦寒無毒漂淨炙黃搗細末同糖霜食之 發明 蛆出糞中故能消積治小兒諸疳積滯取消積而不傷正氣也一法用大蠟蠟十數隻打瓦置罈內取糞蛆不拘多少河水清養三五日以食盡蠟蠟為度用麻布紮住罈口

倒懸活水中令污穢淨取新瓦燒紅置蛆於上焙乾治小兒疳積腹大脚弱腎膜遮睛每服一二錢量兒大小服之無不驗者勿以其鄙而忽諸

狗虱 鹹溫無毒 發明 蠅食狗血性熱而銳力能拔毒外出故治痘瘡倒靨色黑唇口冰冷之證以數枚搗細

酷酒少許調服聞人規方也

蟻 鹹微溫有毒 本經主惡血血瘀痺氣破折血在脇下堅滿通月閉目中淫膚青翳白膜 發明 蟻蟻穴

土而居與蚯蚓不異故本經所治皆瘀血之證金匱治虛勞瘀血大黃虜蟲丸方用之取其去脇下堅滿也許學士

治筋急養血地黄丸中用之亦取其治血瘀也取汁滴目去翳障散血止痛千金研末數小兒臍癧加猪脂調治小兒昏緊經驗方治疥癬腫痛肘後搗塗竹木刺蘇頌搗汁點喉痺得下即開臧器塗遊風丹疹又治麥芒入眼以蟻螯在目上隔布摩之芒著布上即出

桑蠹蟲 甘溫小毒色白帶黃而腹中無穢按之無水者為真若頭硬而腹中不淨者即雜樹內蠹也如一時難覓真者則以蠶毛殺蝦反存性代之 發明 桑蠹蟲食木柔能勝堅故治痘瘡毒盛白陷不能起發者用以絞汁和白酒釀服之即起但皮薄脚散及泄瀉畏食者服之每致駁裂而成不救不可不慎千金治崩中漏下赤白桑蠹燒灰溫酒服亦治胎漏下血效

桃蠹蟲 辛溫無毒 本經殺鬼邪惡不祥 發明 桃實中蟲食之令人美顏色與桃蠹不異其蠹屎能辟溫疫今不相染為末水服方寸匕

蚱蟬 鹹甘寒無毒 本經主小兒驚癇夜啼癩病寒熱 發明 蟬主產難下胎衣取其能蛻之義聖惠治小兒發癇有蚱蟬湯散丸等方今人只知用蛻而不知用蟬也

蟬蛻 鹹甘寒無毒去翳足用 發明 蟬蛻去腎膜取其蛻義也治皮膚瘡瘍風熱破傷風者炒研一錢酒服神效痘後目昏羊肝湯服二錢則醫漸退更主痘瘡發癢若氣虛發癢又當禁服小兒夜啼取蟬蛻四十九枚去前截用後截為末分四服鈞藤湯服之即止驚啼加硃砂二字若用上截即復啼也小兒驚癇夜啼癩病寒熱並用蟬腹取其利竅通聲去風豁痰之義較蛻更提

蛻螂 鹹寒有毒去足火爇用勿置水中令人吐 本經主小兒驚癇癩腹脹寒熱大人癩疾狂癲 發明 蛻螂手足陽明足厥陰藥也本經等治總不離三經之證其治暴噎吐食用二枚入生薑內爛以陳橘皮二錢同巴豆炒過去巴豆將蛻螂陳皮為末每服二分吹入喉中吐痰二三次即愈又治箭鏃入骨用巴豆微炒同蛻螂搗塗痛

定心瘡忍之待極癢不可忍乃撼動拔之又燒灰入水片少許治大腸脫肛摻上托入搗丸塞下部引痔蟲出盡水瘻其蛻螂心貼疔瘡拔疔貼半日許血盡根出則愈然蛻螂最畏羊肉食之即發

天牛 甘溫小毒 發明 天牛乃木中蠹蟲所化楊樹中最多桑樹中獨勝長尾如角故有天牛之名利齒善噬

是有嗜桑之號其性最銳取治疔腫惡瘡出箭鏃竹本刺最捷與蜈蚣不殊一嗜木而飛一穴土而出其穎脫之性則一如無嗜桑他樹上者亦可焙乾為末蜜調傅之

蜈蚣 鹹寒小毒去翅足炒用 本經主產難出肉中刺去潰腫下噎噎解毒除惡瘡 發明 蜈蚣性善穴上故

能治水腫自腰以前甚瀉能止大小便自腰以後甚利能通大小便取以治水最効但其性急虛人戒之本經治難產者取其下半者湯服之則下也出肉刺潰腫惡瘡者生搗塗之肉刺即出瘡腫即潰也下噎噎者炙末吹之噎

噎即下非噎膈之謂也千金治箭鏃入肉以蜈蚣杵汁滴上三五度自出延年方治胎衣不下以蜈蚣一枚水煮熟沸灌下入喉即出小兒臍風蜈蚣甘草等分為末敷之効

螢火 即熠耀本 總名夜光 辛溫無毒 本經明目 發明 螢火本厲草所化得大火之餘氣而成入胞絡三焦能辟邪明

目取其照幽夜明之義務成子螢火丸辟五兵白刃虎狼蛇虺之毒惡鬼疫癘之邪麗安常亦極言其効惜乎世鮮備用

衣魚 即蠹 魚 鹹溫無毒即衣帛書畫中之蠹碎之如銀有粉者是 本經主婦人疝瘕小便不利小兒中風項強背起摩之 發明 衣魚主中風項強摩之即安驚癇天吊口喎淋閉服之即愈皆手足太陽經病乃神農本經之藥

古方盛用今人罕知合鷹屎白殭蠶敷瘡癩滅 鼠婦 本經名坤蟻 即濕生蟲 酸鹹無毒 發明 金匱治久瘧龍甲煎丸中用之以其主寒熱去痰積也古方治驚癇血病

多用之厥陰血分藥也千金治產婦遺尿以鼠婦七枚熬研溫酒服之痘瘡倒靨為末酒服一字即起又解射干蜘蛛毒

廔蟲 本經名 地龍 鹹寒有毒或去足炒用或酒醉死去足搗汁用 本經主心腹寒熱酒酒血積癢癢破堅下血閉 發明 廔蟲伏土而善攻隙穴傷之不死與陵鯉不殊故能和傷損散陽明積血本經治心腹寒熱酒酒亦是積血

所致金匱大黃廔蟲丸用水蛭廔蟲取其破堅癥下積血耳無實結者勿用跌撲重傷焙乾為末酒服二錢接骨神効

蝨蟲 即蝨 蟲 苦微寒有毒即蝨牛血蠅去翅足炒用 本經逐瘀血破血積堅痞癥瘕寒熱通利血脈九竅 發明



蝨食血而治血因其性而為用。肝經血分藥也。本經治癰疽寒熱是因癰疽而發寒熱與蛻螂治腹脹寒熱不殊。仲景抵當湯丸水蛭蝨雖當並用。二物之純險懸殊其治經閉用四物加蜚蠊作丸服甚良。以破瘀而不傷血也。苦走血。血結不行者以苦攻之。其性雖緩亦能墮胎。

蟾蜍 皮辛涼微毒。肉甘平無毒。捕取風乾泥固煨存性用。其目赤嘴赤者有毒。○一種色青而生陂澤中者曰鼈。與此不同。發明 蟾蜍土之精也。習土遁者類之。其形大而背多痲磊者是。土性厚重。其行極遲。土生萬物亦能化萬物之毒。故取以殺疔積。治鼠瘻。陰蝕疽癰。燒灰傅惡瘡並效。弘景治溫病發斑困篤。用以去腸。生搗一二枚。啜其汁。無不瘥者。治獠犬傷。先於頂心拔去血髮三四莖。即以蟾蜍一二枚。搗汁生食。小便內見沫。其毒即解。又破傷風用二枚。生切如泥。入椒一兩。同酒炒熱入酒二盞。乘熱飲之。少頃通身汗出而愈。發背疔腫初起。以活蟾一隻。繫定放腫上半日。蟾必昏憤。即放水中以救其命。再換一隻。如前。蟾必踉蹌。再易一枚。其蟾如舊。則毒散矣。其金蟾丸治腫脹腹滿。并治小兒疳勞。腹大脰細。方用大蟾一隻。以砂仁入腹令滿。鹽泥固濟。煨存性。黑糖調服一二錢。心下盡青黃積。莫即愈。未盡過二三日再服。以腹減熱除為度。若莫不能。灑注而滿。淋不前者。此元氣告匱。不可救也。蟾酥 辛溫有毒。發明 蟾酥辛溫。其性最烈。凡用不過一分。齒縫出血。及牙疼。以紙綵少許。擦之。即止。蟾酥丸治發背疔腫。一切惡瘡。拔取疔瘡最捷。入外科有奪命之功。然輕用能爛人肌肉。

蝦蟆 甘寒小毒。本經主邪氣破癥堅壅。腫陰瘡。服之不患熱病。發明 蟾蜍蝦蟆同類異種。故其功用亦不甚相遠。服之不患熱病。即弘景治溫病發斑困篤之意。時珍言古方多用蝦蟆。近方多用蟾蜍。蓋古人通稱蟾為蝦蟆。而蝦蟆不復入藥矣。

畫蝨作 甘寒無毒。發明 時珍曰。畫產於水與螺蚌同性。故能解熱毒。利水氣。但係濕生之物。其骨性復熱。食之小便苦淋。妊娠食蛙。令子壽夭。小蛙多食。令人尿閉。臍下酸痛。搗車前水飲之可解。戴厚禮云。凡渾身水腫。或單腹脹者。以青蛙一二枚。去皮炙熟食之。則自消也。嘉謨曰。時行面赤項腫。名蝦蟆瘟。以金線蠶搗汁。水調空腹頓飲。極效。

蝌蚪 發明 蝌蚪生水中。蝦蟆子也有尾如魚。漸大則脚生。尾脫。因其所稟之毒未化。故藏器取治火蛇熱毒。及

腫瘍瘡並搗碎傅之。或化水塗之。或配入敷藥中並效。又得效方。多用蝌斗陰乾待桑椹熟等分置瓶中密封懸屋東。或搗汁浸埋東壁下。百日化泥取塗鬚髮永黑如漆。

蜈蚣 辛溫有毒。火炙去足用。本經主鬼疰蟲毒。噉諸蛇蟲魚毒。殺鬼物。老精除溫瘧。去三蟲。發明。蓋行而疾者。惟風與蛇。蜈蚣能制蛇。故亦能截風。厥陰經藥也。嶺南有蛇瘡。頭大腫痛連喉。用赤足蜈蚣二節。研細水下。卽愈。又破傷風欲死。研末擦牙邊。去涎沫立瘥。本經言噉諸蛇蟲魚毒。悉能解之。萬金散治小兒急驚。蜈蚣一條。去足炙黃。入硃砂輕粉乳汁。為丸。服少許。卽安。雙金散治小兒天疳。日久不下口。噤反張。蜈蚣一條。酥炙去頭足。入麝香。為末。以少許吹鼻。至眼合乃止。若眼未下。再吹之。小兒撮口。刮破舌瘡。蜈蚣末敷之。千金治射工毒瘡。蜈蚣炙黃。為末。敷之。小兒禿瘡。蜈蚣浸油搽之。直指方治痔瘡疼痛。蜈蚣炙末。入片腦少許。唾調敷之。急救方治溫瘧。酒酒時驚。涼膈散加蜈蚣蠟尾。服之。摘要治婦人趾瘡。甲內雞眼。及惡肉突出。蜈蚣一條。去頭足。焙研入麝香少許。去硬蓋。攤烏金紙。留孔貼上。一夕卽效。如有惡肉。外以南星末。醋和傅。四圍其祛毒之功。無出其右。

蚯蚓龍卽地 鹹寒小毒。白頸者良。解熱毒。入鹽化水用。通經絡。炙乾用。本經主蛇瘡。去三蟲。伏尸。鬼疰。蠱毒。殺長

蟲。發明。蚯蚓在物。應土德。在星為軫水。體雖卑伏。而性善。穴竄。專殺蛇蠱。三蟲。伏尸。諸毒。解濕熱。瘡黃疽。利小便。通經絡。故活絡丸以之為君。地龍湯治痘瘡。脾腎虛熱。嬌紅。五六日漸變乾紫。伏陷者。同葶藶搗和酒釀服之。卽起。若乾紫色。黯皮堅。為肝脾血熱。卽宜犀角。紫葢。黃連。清解。非地龍所宜。溫病大熱狂妄。天行大熱。和人尿搗絞服之。執毒從小便而去也。小便暴秘不通。亦宜用之。入葱化為水。瘡暴聾。

蝸牛 鹹寒小毒。發明。蝸蝓蝸牛。生下濕地。陰雨卽出。至陰類也。治諸腫毒。痔漏。制蜈蚣蠟。蠱諸毒。研爛塗之。取其解熱消毒之功耳。其形尖小而緣桑上者。謂之緣桑。贏治大腸脫肛。和豬脂塗之。立縮。此贏諸木上皆有。獨取桑上者。正如桑螵蛸之義。

龍蛇部

龍骨 甘平無毒。粘舌色白者良。煨赤水飛用。飛之不細。粘着腸胃。令人寒熱。本經主心腹鬼疰。精物走魅。效逆泄痢。膿血。女子漏下。履履堅結。小兒熱氣驚癇。發明。漚以可去脫龍骨入肝。斂魂收效。浮越之氣。本經主心腹

鬼疰精魅諸疾以其神靈能辟惡氣也其治效逆泄利膿血女子漏下取漕以固上下氣血也其性雖漕而能入肝破結癥瘕堅結皆肝經之血積也小兒熱氣驚癇亦肝經之病為牛黃以協濟之其祛邪伐肝之力尤捷許洪云牛黃亞龍骨而龍骨得牛黃更良有以制伏之也其性收陽中之陰而走足厥陰經兼入手足少陰治夜夢鬼交多夢紛紛多寐泄精衄血吐血胎漏腸風益腎鎮心為收斂精氣要藥有客邪則兼表藥用之故仲景治太陽證火劫亡陽驚狂有救逆湯火逆下之因燒針煩躁有桂枝甘草龍骨牡蠣湯少陽病誤下驚煩有柴胡龍骨牡蠣湯金匱治虛勞失精有桂枝加龍骨牡蠣湯千金方同遠志酒服治健忘心忪以二味蜜丸硃砂為衣治勞心夢泄梅師同桑螵蛸為末鹽湯服一錢治遺尿淋瀝又主帶脈為病故崩帶不止腹滿腰溶溶若坐水中止漕藥中加用之止陰瘧收濕氣治休息痢久痢脫肛生肌斂瘡皆用之但收漕太過非久痢虛脫者切勿妄投火盛失精者誤用多致溺赤漕痛精愈不能收攝矣

龍齒 漕平無毒煨赤醋淬七次水飛用形如筆架重數兩外光澤如斃碎之其理如石內如龍骨砥之粘舌者真亦有微黑而煨之色如翡翠者為蒼龍齒較白者更勝其小如笋尖或如指狀者海鰈齒及骨也叢生如貫眾根者海馬齒也砥之亦能粘舌世多以等類偽充不可不辯 本經主殺精物大人驚癇諸癩疾狂走心下結氣不能喘息小兒五疇十二癩 發明 龍者東方之神故骨與齒皆主肝病許叔微云肝藏魂能變化故遊魂不定者治之龍齒古方有遠志丸龍齒清魂散平補鎮心丸皆收攝肝氣之劑也又龍骨以白者為上取固上氣以攝下脫齒以蒼者為僂生則微黑煨之翡翠可愛較白者功用更捷產後血暈為要藥取其直入肝藏也予聞神龍蛻骨之說初未之信及從藥肆選覓龍齒見其骨有變化未全者半與牛骨無異始知宇宙之大無所不有即如蛇蟲之屬皆能蛻形化體豈特雲龍風虎而已哉龍稟東方純陽之氣故能興雲致雨東方木氣主乎生也其耳獨不司聽者陽神別走於角也春夏發現而秋冬潛伏者隨陽氣之鼓舞也虎稟西方陰暴之性故嘯則生風西方金令主乎殺也其項獨不能仰者陰感併振於尾也書潛伏而宵奮迅者乘陰氣之暴虐也以是推之則虎骨能搜風氣健筋骨療疾重睛能定人魄魄者陰之精也龍骨能蓄精氣收神識止滑脫齒能清人魂魄者陽之神也然龍性飛騰而骨獨粘者正以其帶而欲蛻之始得飛冲御天非飛冲後而蛻其骨也觀本經驚癇癩疰結氣甄權鎮心安魂魄等治總

皆入肝斂魂用以療陽神之脫同氣相求之妙許叔微云肝藏魂能變化故魂遊不定者治之以龍齒時珍曰龍者東方之神故其骨與齒皆主肝病

龍角 甘平無毒 發明 龍稟東方木氣而角又督脈所發故治驚癇瘰癧神魂不寧龍火上逆身熱如火及邪魅不詳深師五邪丸用之而千金治心病有齒角同用者

鼈甲本經名 酸微溫小毒 本經治心腹癰瘕伏堅積聚寒熱女子小腹陰中相引痛崩中下血五色及瘡疥死肌 發明 本經鼈甲所主之證多屬厥陰其功在平肝木治血殺蟲與龜相類亦能治陰瘧千金有鮫甲煎今藥肆多懸之云能辟蠱亦殺蟲之意

陵鯉甲俗名穿山甲 鹹微寒小毒或酥炙或黃土或蛤粉炒發鬆研用尾甲更勝 發明 穿山甲入厥陰陽明及陰陽二竅通經下乳瘡疾癰腫發痘為要藥蓋其穴山而居寓水而食出陰入陽能竄經絡達於病所凡風濕冷痺之證因水濕所致渾身上下強直不能屈伸痛不可忍者於五積散內加穿山甲七片全蠍炒十個葱薑水煎熱服取汗避風甚良癰疽潰後不宜服

石龍子 鹹溫小毒綱目作鹹寒誤產平陽山谷荆襄等處其類有四一種生岩石間頭扁身長尾與身等長七八寸大者尺餘其狀如蛇而脚似梅花鱗目五色者為雄色黃身短者為雌此物最惜鱗甲故見人不動捕之亦不螫人以其生岩石間故本經謂之石龍子以其善於變易吞蠹吐膏有陰陽析易之義故字林謂之蜥蜴楚人名為蜥蝥實一物也入藥雌雄並用去頭足酒浸酥炙用之入傳屍藥醋炙用之一種生草澤間頭大尾短身粗其色青黃有傷則啣草自斂故謂之蛇醫母能入水與石斑魚合故又名水蜥蜴不入藥用一種生人家屋壁形小身細長三四寸色褐斑黑者謂之蝮蛇吳俗名為壁虎以其居壁而善捕蠹蠅也或云飼之以朱點宮城臂故名守宮一種似守宮而頭圓身細長五六寸色白如銀通身細鱗雌雄上下相應而鳴情恰乃交者蛤蚧也荆襄嶺澤皆有而西川產者最勝捕得成對線纏炙乾捲榕樹皮中者是也以此明辨方無誤用之失 發明 石龍子為本經中品而綱目主治中有別錄而無本經豈本經之文有所殘缺歟抑本經之文誤註別錄歟其治五癆邪結氣利小便水道破

石淋下血者以蜥蜴能吐電祈雨故治癰淋利水道是其本性千金治癰結水腫屍疰留飲有蜥蜴丸外臺治陰積

方用之皆取其長於利水道耳。按蜥蜴即是石龍。今房術藥中用之。以其與發助陽而無止澇之患也。

守宮一名蟪蛄 俗名壁虎 鹹寒小毒。發明 守宮食蠍蟻。蠍蟻乃治風要藥。詳守宮所治風症。驚癇諸病。猶蜈蚣之性能透經絡也。且入血分。故又治血病瘡瘍。以毒攻毒。皆取其尾善動之義。麻城移痘方。治痘出眼目。及正面稠密。用以移痘於不傷命處。其效最捷。觀術士以守宮尾杵為細末。彈熟肉上。其肉便翕翕蠕動。移痘方得非從此悟出。陶弘景云。蠅蟻喜緣籬壁間。以殊餉之。滿三斤。研乾末。以塗婦人臂。有交接事便脫。故名守宮。蘇恭曰。餉殊點婦人臂。謬說也。張華言。必別有術。今不傳矣。時珍曰。守宮祛風。石龍利水。功用自別。不可不知。

蛤蚧 甘鹹溫小毒。生嶺南城垣榕樹間。及粵西橫州等處者。長七八寸。蜀中產者。不過五寸。頭圓肉滿。鱗小而厚。形似守宮。鳴則上下相呼。雌雄相應。情恰乃交。兩相抱負。自墮於地。人往捕之。亦不知覺。以手劈之。至死不開。取以曝乾。為房中要藥。即尋常捕得者。功用亦相髣髴。但驗其圓圖成對。捲榕樹皮中者。即真無疑。入藥去頭留尾。酥炙用之。口含少許。疾走不喘者。是其益氣之驗也。發明 蛤蚧味鹹歸腎。經性溫助命門。色白補肺氣。功兼人參羊

內之用。而治虛損痿弱。消渴喘嗽。肺痿吐沫等證。專取交合腎肺之氣。無以逾之。愚按蛤蚧龍子。性皆溫補助陽。而舉世藥肆中。皆混稱不分。醫者亦不辨混用。龍子則剖開如皮。身多赤斑。偏助壯火。陽事不振者宜之。蛤蚧則纏束成對。通身白鱗。專溫肺氣。氣虛喘乏者宜之。虛則補其母也。

蛇蛻 鹹甘平小毒。火熬用之。本經主小兒二十種驚癇。蛇癇癩疾。瘰癧。弄舌。搖頭。寒熱。腸痔。蠱毒。發明 蛇蛻屬巽走肝。故本經治小兒驚癇等病。一皆風毒襲於經中之象。其入藥有四義。一能辟惡。取其性靈也。故治邪辟鬼魅。蠱瘴諸疾。二能驅風。取其性靈也。故治驚癇癩癧。偏正頭風。喉舌諸疾。三能殺蟲。故治惡瘡痔漏疥癬諸疾。用其毒也。四有蛻義。故治眼目昏膜。胎衣不下。皮膚之疾。會意以從其類也。

蚺蛇膽脚南 甘苦寒小毒。發明 蚺蛇產嶺南。稟己土之氣。其膽受甲乙風水。其味苦中有甘。所主皆厥陰太陰之病。其治心腹脹痛者。蟲在內攻噉也。下部腫瘡者。蟲在外侵蝕也。濕熱則生蟲。燥濕則殺蟲。內外施之。皆可取用。更能散腫消血。故直諫之臣。受廷杖者。臨服少許。則血不凝滯於內。又能明目涼血。除疔殺蟲。惜乎難得真者。

白花蛇 甘鹹溫有毒。產蘄州者良。禁犯鐵。凡用去頭尾。酒浸酥炙。炭火緩焙。去盡皮骨。此物甚毒。不可不防。脇有



方勝尾上有拂者真發明 蛇性竄能引藥至於風痰處故能治一切風病其風善行數變蛇亦善行數蛇所以能透骨搜風為大風白癩風風痺驚搐癩癩惡瘡要藥取其內走藏府外徹皮膚無處不到也陰虛血少內熱生風者非其所宜凡服蛇酒藥切忌見風開罈時須避其氣免致面目浮腫凡癘風曾服過大楓子仁者服白花蛇無效為梢蛇 甘平無毒劍脊細尾者佳忌犯鐵器 發明 蛇性主風而黑色屬水故治諸風頑痺皮膚不仁風瘙癢疹疥癬熱毒眉鬚脫落瘡癩等瘡但白花蛇主肺藏之風為白癩風之專藥烏蛇主腎藏之風為紫雲風之專藥兩者主治懸殊而烏蛇則性善無毒耳。

蝮蛇 肉大熱膽微寒並有毒 發明 諸蛇皆是卵生惟蝮蛇破母腹出惡毒尤烈故以蝮名其狀較諸蛇迥異形短而粗嘴尖鼻反故又名反鼻蛇有頭斑身赤如錦紋者有黃黑青黑而斑白者皆蝮蛇也有頭扁與土同色而無紋者土虺也亦名曰虺字形相類之誤也時珍曰蝮大虺小其毒則一抱朴子言蛇類甚多惟虺中人甚急即時以刀割去瘡肉投之於地其熱如炙須臾毒盡人乃得活一種形如蜥蜴長一二尺者千歲蝮也年久腳生能跳上樹噉人噉已還樹垂頭聽人哭聲頭尾相類大如搗衣杵俗名望板歸言被其噉必死專望板歸以備險具也蘇頌以細辛雄黃等分為末內瘡口中日易三四次又以括婁根桂末著管中密塞勿令走氣佩之中其毒者急敷之野談翁方急以黃荆葉搗爛敷之上皆解救之法然有用其毒以攻急厄之毒者別錄取蝮蛇肉釀酒以療癩疾蝮蛇膽磨汁以塗癩瘡總取殺蟲攻毒之用耳竊謂攻毒急救之藥頗多奚必藉此而為異端之術哉姑存以備解救之法可也

### 魚部

鯉魚 甘平無毒其目能睨動者有毒藥中有天門冬者勿犯天門病後勿食 發明 魚性逆水而上動關翹尾其力最勞且目不夜瞑故釋氏雕木象形以警世之昏惰者鯉性跳躍急流故取以治水腫之病河間云鯉之治水鶩之利水因其氣相感也黃痺腳氣濕熱孕婦身腫宜之使血同白蠟者食腦髓治耳卒聾齒治石淋膽治目赤腫痛取汁點之鱸治產婦帶血燒灰治吐血崩中十灰散中用之

鱈魚本名鱈魚 甘溫無毒 發明 鱈魚多蓄池中飼草而長與青鱧混雜故名曰鱈江湖亦皆有之食品之長

味也時珍言暖中和胃此指池中蓄者而言李廷飛言能發諸瘡此指湖中獲者而言各有至理膽味苦寒能出一切竹木刺在喉中以酒化二三枚溫呷取吐即出

青魚 肉甘平膽苦寒無毒 發明 東方色青入通於肝開竅於目故膽有點目治翳之功肉有補肝逐水之用

同並白煮食治脚氣痠腫目睛生汁注眼能黑夜視物以其好噉螺蛳螺蛳能明目也乾青魚膽水磨點喉痺痔瘡

與熊膽同功

鱧魚 林名 甘溫無毒 發明 池魚大都無毒兼此魚恒食諸魚之遺其毒雖少不無助長濕熱之虞有皂白二

種皂者頭大白者腹腹雖食品之下而有溫中益氣之功與鱖魚無異也

潤口魚 林名 甘溫無毒 發明 鮓生海中與石首同類以之剖腹曝乾亦與石首作養無異以其領下有骨撐

開故有潤之稱能開胃進食下膀胱水氣病人食之無發毒之慮食品中之有益者也

鰱魚 古名 甘溫無毒 發明 鰱魚縮項性不喜動嚴冬善息土中故食之能調胃氣而無動風發熱之慮與白

魚之性相仿但無利水之功耳

白魚 甘平無毒 發明 白魚入肺利水開胃下氣金匱治淋病小便不利滑石白魚散用之取其佐滑石以利

氣兼亂髮以破血血氣通調而淋瀝止矣同稟食之令人腰痛以其滲泄脾腎也

石首魚 俗名 甘平無毒乾者名白養 發明 石首魚生鹹水中而味至淡故諸病食之無助火之虞與河豚之

性稟陰毒迥殊腦中石鮓主石淋腦骨為未入有嘴壺中薰腦漏然惟暴患得效荊疾切忌油膩惟白養食之最宜

鱧膠 鹹平無毒凡用入丸切作小塊蛤粉炒成珠方可磨末煉蜜調劑須待涼用又不可搗搗則粘韌難為丸矣

發明 諸魚之鱧皆可為膠而石首魚者膠物甚固故當精方用之合沙苑蒺藜名聚精丸為固精要藥丹方又

以一味炒研砂糖調日服一錢心治痔最良經久痔自枯落燒灰治產後風搐破傷風癩取其滋榮經脈而虛風自

息也

勒魚 甘平無毒 發明 勒魚腹下有骨勒人因以得名以其甘溫開胃有宜於老人之說作養尤良脊骨治瘧

以一寸入七寶飲酒水各半煎露一宿服之

鮪魚 甘溫無毒。發明 鮪魚性補。溫中益虛。而無發毒之慮。其生江中者。大而色青。味極甘美。生海中者。小而色赤。味亦稍薄。觀其暗室生光。迥非常魚。可比其鱗。用香油熬。塗湯火傷效。

嘉魚 甘溫無毒。發明 此魚食乳水。功用同乳食之。令人肥健。悅澤。腎虛消渴。勞瘦虛損者。食之最宜。

鯧魚 此魚骨肉脆。能益胃氣。食之令人肥健。腹中子性寒。有毒。多食令人痢下。

鯽魚 甘溫無毒。烏背者其味最美。以其居濁水中。雖肥不無小毒。然此恒用食品。未嘗見其有毒傷人。發明 諸魚性動屬火。惟鯽魚屬土。有調胃實腸之功。故有反厚朴之戒。以厚朴泄胃氣。鯽魚益胃氣。故大明言溫中下氣。保昇言止痢厚腸。皆言其補益之功也。生搗塗瘰核乳癰。堅腫。以猪脂煎。反服治腸癰。合赤小豆煮汁。食消水腫。炙油調塗。婦人陰瘡。同白礬燒研。治腸痔血痢。入綠礬泥固。煨治反胃吐食。與胡蒜煨。治膈氣痞滿。凡煨俱不可去鱗。以鱗有止血之功也。

石斑魚 有毒。發明 石斑魚生南方溪澗水石處。長數寸。大不過尺餘。有雌無雄。二三月與蜥蜴交。合水上。其子毒人。令人吐瀉。醫說云。用魚尾草汁少許解之。

鱸魚 俗名 甘平無毒。發明 鱸魚出蘇松浙江。大者不過三四寸。身圓無鱗。潔白如銀。小者尤勝。鮮食最美。曝乾亦佳。作羹食之。寬中健胃。而無油膩傷中之患。

海粉 鹹寒無毒。發明 海粉色碧微鹹。專行肝腎。云是海中介屬。得東南水土之氣而成。與蜂之釀蜜無異。土人採得而貨之。以供食品。能散癭瘤。解毒熱。但性寒滑。脾胃虛人勿食。

燕窩 甘平無毒。發明 鳥卸海粉作窩。得風日陽和之氣。化鹹寒為甘平。能使金水相生。腎氣上滋於肺。而胃氣亦得以安。食品中之最馴良者。惜乎本草不收。方書罕用。令人以之謂補虛勞。咳吐紅痰。每兼冰糖煮食。往往獲效。然惟病勢初淺者為宜。若陰火方盛。血逆上奔。雖用無濟。以其幽柔無剛毅之力耳。

鱸魚 甘平小毒。發明 鱸魚鬆脆。與石首魚相類。補五藏。益筋骨。和腸胃。治水氣。多食宜人。作鮓尤良。

鰕魚 甘平小毒。發明 鰕魚性疎利。有補虛益胃。去腹內惡血小蟲之功。醫說有邵氏女年十八。病勞瘵累年。偶食鰕魚羹。遂愈。正與補勞益胃殺蟲之說相符。膽治骨鯁。及竹木刺入咽喉。不拘大人小兒。或入腹刺痛。服之皆出。

臘月收大鰻魚臄懸北簷下陰乾遇有梗者用皂子大酒研溫服得吐則鯁隨涎出未出再服以出為度酒隨量飲無不出者如無鰻魚臄鯽魚青魚鮒魚臄用鮮者酒調服之亦出

鱧魚名里魚俗

甘寒無毒

發明 鱧性伏土而能勝水故治水腫瘰癧五痔治濕痺主脚氣妊娠面浮脚腫者合赤小豆煮食甚效丹方治水腫腹大用活鯽魚去腹垢入獨顆蒜令滿外塗濕黃泥炭火炙食屢效有瘡者不可食

令癢白

鰻鱺魚

甘平小毒潤膚者為鰻火嘴者為鱺

發明 鰻魚雖有毒性能補虛益陰久病勞瘵宜之大便濡泄勿用其功專在滋補真陰殺勞瘵蟲與蛇同類故主治亦近之

鱣魚

甘大溫無毒

發明

鱣魚稟已土之氣能補中益血婦人產後惡露淋瀝腸鳴濕痺並宜食之暴氣煨灰存性治老人虛痢大鱣魚重勛餘者能助勢力食後遍體疼痛盡力槌之大力丸方用能筋虎骨當歸人參等分為末酒蒸大鱣魚取肉搗爛為丸每日空服酒下兩許氣力驟長鱣魚血力能助陽壯年陽道不長育龜丸用之方用

石龍子蛤蚧生犀角生附子草烏頭乳香沒藥血竭細辛黑芝麻五倍子陽起石等分為末生鱣魚血為丸硃砂為衣每日空心酒下百丸曾有人服此得以嗣續宗祧者不可以房術論也其尾血療口眼喎斜同麝少許右喎塗左

左喎塗右正即洗去其骨燒灰香油調塗流火甚效

甲魚鱉名

甘溫小毒

發明

鱉魚無鱗而有甲故俗名為着甲江淮黃河遼海水深處皆有之長二三丈逆上龍門能化為龍味極肥美但發氣動風和蒼麥食令人失音其肝味勝河豚食之令人血膚乾脆亦動風之驗也

鱖魚本名鱖魚生江中長丈餘身無鱗鼻與身等亦鱖屬也

甘平無毒

發明

此魚味雖美而發諸藥毒動風氣發一切瘡疥久食令人

腰痛服丹石人忌之勿與乳荀同食發癰瘰風小兒食之成效嗽及癢瘰作疥雖珍亦不益人

鱖魚本名鱖魚

甘溫小毒赤目赤翳無睛者殺人不可合牛肝食反荊芥

發明

鱖魚類蛇故能治風凡口眼

喎斜切活鮎魚尾火朝吻貼之即正

黃頰魚

甘平微毒反荊芥

發明

無鱗之魚不益人發瘡疥不獨黃頰為然

江鱈魚一名鱈魚

甘平小毒

發明

諸魚皆用翅尾游行惟鱈不勞翅尾逐隊齊行故以命名種類不一獨產江水中

者應春而起味極鮮美性專降泄故敗疽痔漏人忌食諸鱸皆然

河豚 甘溫有毒海中者大毒江中者次之淡水中者又次之有大小二種大者謂之河豚背淡青黑無赤斑腹白而翅傍色黃者可食小者名斑魚背脊黑有文點多赤色其毒最甚以稟蛟龍之氣最甚也海人言三月後斑魚得木氣全盛之時尤不宜食其雙尾獨目翅赤嘴赤異常背有赤印領內無腮腹中多血獨腴無膽皆大毒傷人製食之法須去其子與嘴目及脊中肝內惡血并去周身脂膜則不氣腥者忌煤火乃煤炷落入與荊芥桔梗菊花甘草附子烏頭相反故食河豚一日內不可服藥河豚子必久漬石灰水中而後煮食曾見水浸一夜大如芡實也中其毒則脣舌麻瞽頭旋目眩足不任履行步欹側急宜探吐隨覓荻芽或蘆根搗汁灌之橄欖汁甘草汁皆可解又槐花乾胭脂等分為末水調服之若腹中絞痛昏迷倒仆者急用薑清灌之遲則不救 發明 凡物之美者謂之无物靡不費毒傷人如妲己亡殷夷光傾吳蒙其禍而不自覺也河豚嗜鹹內藏信智外顯文刺窄口巨腹陰毒內蓄可知凡陰毒之物必藉陽氣而為鼓舞得春升之令而浮游水面非信而乎散子必入淡水既生必歸巨海非智而乎得鹹則肥得淡則瘦所以淡水中者其毒漸解而不致傷人之甚也以其味美人爭食之春初最為貴品其腹腴呼為西施乳南人有云凡魚之無鱗無腮無膽有聲目能眩者皆有毒河豚目能開闔觸之則曳曳有聲噴怒則腹脹如毬浮起水面故人得以取之其毒入肝助火莫有甚於此者患癰瘍脚氣人切不可食助濕發毒動風其患最速惟取其子同蜈蚣燒研香油調搽疥癬有竅扶其目拌輕粉理他中化水拔婦人脚上雞眼瘡可以脫根

江豚 鹹腥無毒 發明 江豚形如水牛藏器雖有飛屍蠱毒瘡瘻之治從未見有用之者以之熬油點燈照樗蒲則明讀書紡織即暗俗言懶婦所化也

比目魚 甘平無毒 發明 比目形如箬葉故俗以是稱之爾雅所謂東方有比目者是也魚各一目相並而遊今吳中崑山最多孟詵雖有補中益氣之說而多食動氣亦是助濕生熱之故此必溺於伉儷者之所化也

鮫魚沙魚 甘鹹平無毒 發明 鮫魚生南海背皮粗錯可飾刀靶其肉作膾補五藏皮治屍疰蠱毒燒灰解鯀

鯀魚毒

烏賊骨 即烏鰂骨俗名海鱗鱗 鹹微溫無毒 發明 烏鰂骨厥陰血分之藥兼入少陰其味鹹而走血故治血枯血癥經



閉崩帶陰蝕腫痛。丈夫陰腫下疳疔疾。厥陰本藥也。寒熱瘧疾。蠱瘕少腹痛。陰痛。厥陰經病也。目昏流淚。厥陰數病也。厥陰為藏血之室。少陰為隱曲之地。故諸血病。陰病皆治之。按素問云。有病胸脇支滿。妨於食。病至則先聞腥臊臭。出清液吐血。四肢清。目眩時。時前後血病。名曰血枯。得之年少時。有所大脫血。或醉入房中。氣竭肝傷。月事衰少。不來。治之以四烏鯁骨一蔥茹為末。丸以雀卵。大如小豆。每服五丸。飲以鮑魚汁。所以利腸中及傷肝也。觀此入厥陰血分可知。

**鮑魚** 辛臭溫無毒。發明 鮑魚腥穢可淡曝。而不可著鹽。乾則形如塊肉。尚取腥穢以滌一切痰積。同氣相感也。入肝散血者。汁送四烏鯁一蔥茹丸。治女子血枯經閉。內經用以療傷肝利腸。而不傷伐元氣。惜乎世罕用之。今庖人用以煮肉。則脂沫盡解。滌除垢膩之驗也。秦始皇死沙邱。會暑屍腐。令輜車載鮑魚。以亂其臭。始皇本呂不韋萌孽。溷廁宮幃。非取其滌除遺臭之義歟。

**海馬** 甘溫無毒。發明 海馬雌雄成對。其性溫暖。有交感之義。故孕婦帶之於身。臨時煨末服之。并手握之。云易產。又陽虛房術多用之。可伐蛤蚧之功也。

**鰕蟇** 甘溫小毒。鰕蟇無損腹下通黑色者。食之傷人。發明 鰕蟇性跳躍。生青熟赤。風火之象。生搗數小兒赤白遊風絞汁入藥。托腫吐風痰。皆取風能勝濕也。制藥壯陽。取熱能助火也。白者下乳汁。專入氣分也。

介部

**龜板** 本經名 鹹甘平小毒。入藥取腹去背。酒浸酥炙。或熬膠用。色黑產水中者為水龜。其色黃出山中者為秦龜。

秦龜不入補腎藥。一種呷蛇龜腹折。見蛇則呷而食之。其性最毒。不可誤用。方書皆用灼過敗龜之板。取其用過。無闕生命也。世以自死龜殼為取。既死精氣已脫。取用何益。誤服反受其毒。以其為蛇虺所傷也。今藥肆所賣龜膠。每以鹿角膠脚。沖入則易凝結。亦有以黃明膠和入者。凡製膠須去背甲以淨腹版水。浸去外衣則膠無腥濁之氣。

本經主漏下赤白。破癥瘕瘰癧。五痔陰蝕。濕痺四肢重弱。小兒顛不合。發明 龜稟北方之氣而生。乃陰中至陰之物。尚行任脈。上通心氣。下通腎經。故能補陰治血治勞。大凡滋陰降火之藥。多寒涼損胃。惟龜版炙灰。則益大陽。

止世癆。故漏下赤白亦能療之。其治小兒顛不合。專取滋水堅骨之功。皆龜之所主。其破癥瘕瘰癧。五痔陰蝕。濕痺。

重者皆奉龜之功用。以能入脾經治風濕也。時珍云：龜鹿靈而壽，龜首常藏向腹，能通任脈，故取其腹以補心補腎。補血皆養陰也。鹿鼻常反向尾，能通督脈，故取其角以補命門補精補氣。皆養陽也。觀龜甲所主之病，皆屬陰虛精弱。腰脚痠疼，可心解矣。燒灰酒服，治痘瘡。又合鹿角灰等分，入四物湯服，治血崩。災末酒服，主風痺脚弱。燒灰傅小兒頭瘡，婦人陰瘡。鱉魚血調塗流火濕瘡，但胃虛少食，大便不實，及妊娠禁用，以其無陽生之力耳。膽汁苦寒，治痘後目腫。經月不開，取汁點之。良。溺滴耳治聾，點舌下治大人中風舌疳。小兒驚風不語，摩胸背治龜胸龜背。欲取其溺，以猪鬃刺其鼻卽出。

玳瑁

甘寒無毒，入藥生者良。

發明

玳瑁入心主血，有解毒解熱之功。故蘇頌以之磨汁服，解蠱毒。日華

破癥結，消癰毒，止驚癇。士良療心風解煩熱，行血氣，利大小腸。時珍治傷寒熱結狂言，解毒清熱之功，等於犀角。同犀角解痘毒，痘瘡黑陷，乃心熱血凝，用生犀玳瑁磨汁入猪心血少許，紫草湯調服，則熱解血和而陷痘起矣。但虛寒而陷者勿用。

鼈甲

鹹平無毒。九肋七肋者佳，以其得陽數也。然多有摘去下肋，偽充七肋者，亦有半邊隻肋，半邊雙肋者。

此團魚與鼈交合而生，不若純隻肋者為優。醋煨酥炙，各隨本方治瘧母。淋灰湯煮糜如飴用。鼈用大者力勝。鼈用小者力優。妊婦勿食鼈肉，與菟菜鴨卵合食尤忌。本經主心腹癥瘕，堅積寒熱，去痞疾，息肉，陰蝕痔核，慈用。發

明。鼈色青入厥陰肝經，及衝脈為陰中之陽，陽奇陰偶，故取隻肋為肝經之嚮導。其所主者，瘕瘕瘧母，虛勞寒熱，癥瘕痞疾，經水陰瘡，不出本經主治也。凡骨蒸勞熱自汗，皆用之，為其能滋肝經之火也。與鼈甲同類，並主陰經血分之病。龜用腹，腹屬腎。鼈用肋，肋屬肝。然究竟是削肝之劑，非補肝藥也。妊婦忌用，以其能伐肝破血也。肝虛無熱，禁之。煨反研極細末，瘡湯火傷，皮綻肉爛者，並効。乾則麻油調敷，濕則乾搽，其痛立止。其解火毒療骨蒸殺瘰癧之功，可默悟矣。鼈頭燒灰酒服，療小兒脫肛，婦人陰脫下墜，取其善縮之性也。生血塗尤效。○沈聖符曰：食品中惟鼈

最為叵測，其間多有太毒，不減河豚者。如三足兩頭人所共棄，項強腹赤，毒可傷人。予隣余子坦，曾見蛇盤屢跌而成鼈者，四生之中，物物皆有變化，無足異也。且有鼈實生鼈腹中之說，說者以為誕妄。姑置罔聞。近日楓江吳氏買

一鼈烹之，輒作人言。其家以為怪也，添火烹之，剖腹果得一物，約長三寸，鬚眉宛然，聖符邀予往看，驗其鼈形，背高

聳起稍異尋常。聖符屬筆命記以為嗜味傷生之警。

龜甲 甘平無毒。發明 龜甲炙黃酒浸。治瘰癧殺蟲。逐風惡瘡。痔瘻風頑疥瘡。功同龜甲。俱龜走肝。而龜走脾。故其主治稍有不同。

蟹 鹹寒小毒。未被霜者有毒。多食腹痛泄瀉。生薑紫蘇豉汁蘆根汁。並可解之。其性喜入蛇穴。得其毒則驟長。故重一觔以上者。誤食殺人。又兩目相向。足斑目赤者大毒。不可食。本經主胸中邪氣熱結痛。噉辟而腫。能敗漆燒之致鼠。發明 蟹之外骨內肉。生青熟赤。陰包陽象無疑。性尚破血。故能續斷絕筋骨。本經主胸中邪氣熱結痛。噉辟而腫。皆是瘀血為患。性能敗漆。令人生搗治漆瘡。塗火燙。皆取散血之意。日華治筋骨折傷。生搗罌之。藏器云。能續斷筋。去殼用黃。搗爛微炒。納入瘡中。筋即連也。可知其功不獨散而能和血矣。凡物之赤者皆熱。惟蟹與柿性寒。所以二物不宜同食。令人泄瀉發癥瘕。妊娠忌食。以其性專逆水橫行也。其爪為催生下死胎胞衣專藥。千金神造湯。治子死腹中。并雙胎一死一生。服之令死者出生者安神驗方也。但以一邊運動一邊沈者。即是無疑。方用蟹爪一升。甘草一尺。東流水一斗。以葦薪煮至二升。去滓入真阿膠二兩。令烱頓服。或分二服。若人困不能服。灌入即活。取蟹之散血。而爪觸之即脫也。然必生脫者。連足用之。丹方治蓄血發黃胸脇結痛。而不浮腫者。蟹殼煨存性。黑糖調。無灰酒下三錢。不過數服效。若浮腫者為氣病。無藉於解之散血也。婦人乳癰硬腫。蟹殼灰一服即散。又以塗硃燒烟辟臭蠱。之即斃。則殺蟲之功。從可知矣。○蟹之相類多種。如蝓蚌擁劍不常見外。其蟻蜚蝓蝓春時甚多。蟻蜚蝓蝓無毒。可醢而食。蟻蜚蝓蝓有毛有毒。候食令人吐下。又有一種生沙穴中。見人則避者。沙狗也。時珍雖言不可食。今海錯中用之。非蟻蜚之可比也。

蟹 辛鹹平微毒。發明 蟹善候風。外殼內肉。與蟹無異。其血蒼色。其肉鬆脆。亦如蟹臍。能散肝腎結血。故產後痢不止。及腸風瀉血崩中帶下。用尾燒灰米飲服即止。聖惠方治積年咳嗽。呀呻作養。用蟹殼煨半兩。貝母桔梗。入牙皂末少許。蜜丸。噉一丸。噉汁。服三丸。即吐出惡涎而瘥。

牡蠣 鹹平微寒無毒。煨赤用左顧者良。本經主傷寒寒熱。溫瘧酒酒驚。志怒氣除。拘緩鼠瘻。女子帶下赤白。發明 牡蠣入足少陰。為軟堅之劑。以柴胡引之。去脇下痛。以茶引之。消項上結核。以大黄引之。消股間腫。以地黄

引之益精收澇止小便腎經血分藥也本經治傷寒寒熱溫瘧酒洒是指傷寒發汗後寒熱不止而言非正發汗藥也仲景少陽病犯本有柴胡龍骨牡蠣湯金匱百合病變渴有枯薑牡蠣散用牡蠣以散內結之熱即溫瘧之熱從內蘊驚志之怒氣上逆亦宜鹹寒降泄為務其拘攣鼠瘻帶下赤白總由痰積內滯端不出軟堅散結之治耳今人以牡蠣澇精而治房勞精滑則慮其鹹降治亢陽精傷又恐其斂澇惟傷寒亡陽汗脫溫粉之法最妙其肉槽製即蠟黃醬也

蚌 肉甘寒殼鹹寒無毒 發明 蚌與蛤皆水產而蛤則生鹹水色白入肺故有軟堅積化頑痰之功蚌生淡水色蒼入肝故有清執行濕治雀目夜盲之力蓋雀目則肝腎之病也初生小兒啞驚活蚌水磨墨滴入口中少頃下黑糞而愈生蚌炙水治湯火傷其效古方用方諸水清神定魄以大蚌向月取水是也

真珠 鹹甘寒無毒 發明 珍珠入手足厥陰二經故能安魂定神明目退翳解痘疔瘡及痘瘡入眼治耳聾聾出水研細末吹之待其乾脫自愈煨灰入長肉藥及湯火傷敷之最妙然不可著水著水則反爛肉

石決明 一名珍珠母 鹹平無毒九孔者佳麩裏煨熟水飛用反雲母 發明 石決明味鹹軟堅入肝腎二經為磨腎

消障之專藥又治風熱入肝煩擾不寐遊魂無定本事方珍珠母丸與龍齒同用取散肝經之積熱須與養血藥同用不宜久服令人寒中非其性寒乃消之過當耳

文蛤 鹹平微寒無毒即蛤蜊之殼厚口尤有紫斑文者用酸漿水或醋煮半日許搗粉用 本經主惡瘡蝕五痔 發明 文蛤鹹寒走足少陰經為潤下之味故能止渴利小便別錄治欬逆胸痺腰痛脇急鼠瘻胸中即本經主

惡瘡蝕五痔之義取鹹能軟堅入血分也仲景傷寒太陽病用水刮益煩意欲飲水反不渴者及金匱渴欲飲水不止並用文蛤散其治反胃吐後渴欲飲水而貪飲者則有文蛤湯總取鹹寒滌飲之義

蛤蜊 鹹寒無毒紫口者良 大都鹹寒之物皆能清熱開胃止渴其殼煨赤杵粉能清肺熱滋腎燥降痰清火止欬定喘消堅癖散癭瘤無不宜之炒阿膠鱘膠用之以其味鹹能發滯性也單方治乳癰每三錢入皂角刺末半錢

溫酒調服治肺癰一味童便煨研甘桔湯日進三服屢驗然須冬時取枯薑實和穰子同搗仍入殼中懸當風處陰乾以供一歲之用否則難於取應也

煙 甘平無毒。發明 煙生江湖中。與蚌蛤相類。閩人以田種之。謂之煙田。其肉可為淡乾。腸鼻糟之。以充海錯。婦人產後虛熱宜之。

魁蛤殼俗名蚶子 即九栝子 肉甘平。殼鹹平無毒。發明 蚶肉僅供食品。雖有溫中健胃之功。方藥曾未之及其殼。灰

則有消血塊散痰積。治積年胃脫痰血疼痛之功。與龜甲蝨蟲同為消瘧母之味。獨用醋丸。則消胃脫痰積。觀製蚶餅者。以蚶殼及泡湯搜糯粉。則發鬆異常。軟堅之力可知。

車螯一名 鹹冷無毒 發明 車螯是海中大蛇。以其吐氣成樓。故名曰屋。所謂雀入淮為蛤。鴉入海為蜃者是也。其肉解酒毒消渴。殼治瘡腫癰毒。燒赤醋淬為末。同甘草等分酒服。并以醋調敷之。日華法也。

貝子 鹹平小毒。燒赤搗細如麩。以清酒淘過用白者入氣分。紫者入血分。花者兼入血氣。本經主目腎五癆利水道。鬼疰蟲毒腹痛下血。發明 貝生南海。雲南極多。上人用為錢貨交易。因其味鹹軟堅。故本經專主目腎。其

治五癆等病。取鹹潤走血之力。千金腳氣丸中用之。專取鹹能破堅之意。雖數十年之疾。靡不克效。以其透入骨空。搜逐濕淫之氣。和諸藥蒸熬作汗。次第而解之。古方點目用貝子粉。入龍腦少許。有瘕肉。加珍珠末吹點。亦入老醫

諸方。紫貝治小兒癰疹目昏。令人用以研紙。謂之研贏。大者曰珂。亦名馬軻螺。治目消醫。去筋膜努肉。與貝子相類。分紫白煨反用之。

石物一名 龜脚 甘鹹無毒。發明 石物生東南海中石上。蚌蛤之屬。形如龜脚。殼似海螯。與吐蛭等同為海錯。而此稍遜。然其有利小便之功。吐蛭不如也。

淡菜 甘溫無毒。發明 淡菜生鹹水而味不沾鹹。為消癭之善藥。兼補陰虛勞傷。精血衰少。及婦人帶下。理腰脚氣。不宜多食。久食令人陽痿不起。及脫人髮。一切海中苔菜皆然。不獨淡菜也。

海贏一名 甲香 鹹平無毒。發明 海贏肉甘寒。食之能止心痛。生螺汁洗眼止痛。經二三十年者。輒應。入黃連末點之尤良。○罽性閉藏。能斂香氣。經月不散。獨燒則臭。與充麝諸香。及諸花和蠟煎成者。曰甲煎。可作口脂。千金方用

之。唐李義山詩。所謂沈香甲煎為庭燎者是也。其殼五色。瑋瑋為鈿。最清燒過。點眼能消宿醫。惜乎專目科者罕知。言厥一名 螺 甘寒無毒。發明 言厥蚌蛤蟹龜之類。皆外剛內柔。稟離火之象。雖居泥水而性寒。治火熱之毒。最捷。



用珍珠黃連。嵌入良久。取汁注目中。止熱壅目痛。生搗絞汁。和無灰酒飲。治黃瘡。小便不利。田中大螺。去掩入冰片。少許。埋土中一伏時。化水療痔瘡。又搗爛和麝香貼臍上。引濕熱下行。治噤口痢。土牆上爛殼。燒灰敷痘瘡。及腫瘡。濕毒。生田中者。得土氣多。而形大。生水中者。得水氣多。而形小。其治水腫黃瘡。目赤腫痛。痔腫脫肛。消渴。解酒之功。則一。產徽州溪澗中者。其肉青碧可愛。土人取肉焙乾。以充方物。但性冷利人。過食。令人腹痛泄瀉。急磨木香酒解之。

寄居蟲 甘溫無毒。發明 藏器曰。寄居蟲在螺殼間。非螺也。候螺蛤開。即自出入。螺蛤欲合。已還殼中。海族多

被其寄。南海一種似蜘蛛。入螺中負殼而行。觸之即縮入螺。火炙乃出。婦人難產。以七枚搗酒服之。或臨產兩手各握一枚。與相思子無異。弘景云。食之益顏色。美心志。惜乎一時不易得也。

郎君子即相思子 發明 相思子狀如螺中之子。大如小豆。藏篋笥積歲。猶活。置醋中。即盤旋不已。婦人難產。手把之。便生屢驗。

### 禽部

鶴頂 辛溫大毒。發明 鶴食蛇虺而頂血大毒。力能殺人。人之欲求自盡者。服之即斃。而嘉祐又以鶴血益氣力。補虛乏。去風益肺。恐未必然。肫中砂石子磨水服。能解蠱毒。

鶴骨 甘寒小毒。發明 鶴骨治尸疰喉痺。蛇虺傷。專用其毒。以攻伏匿之毒也。嘴及脚骨尤良。卵能預解痘毒。水煮一枚。與兜啖之。令不出痘。或出亦稀。與鶴卵同功。

鵝即鵝 鹹寒無毒。發明 鵝好啖魚蛇及鳥雛。故治痞積有鵝鵝丸。用之為君。治食魚鱉成瘕者。尤效。其骨酥炙。和南蓬砂吹喉。治骨哽。忍之須臾。輕輕咯之。骨與痰涎俱出。

鵝鵝即鵝 鹹溫滑無毒。發明 淘鵝油性。能引諸藥透入病所。拔毒。故治蠱毒。瘰癧。腫毒。諸病。其舌治疔瘡。取入心。拔毒外出也。

鵝 白者甘平無毒。蒼者有毒。嫩者尤劣。發明 鵝氣味俱厚。發風發瘡。莫此為甚。別錄謂其性涼利五藏。是指蒼者而言。韓氏謂其疎風。是言白者之性耳。昔人治癘風方中。取純白鵝通身之毛。及嘴足之皮。與肫肝內皮同固。

濟煨灰存性和風藥用之為風藥之嚮導也然不可遺失一處其處即不能愈又不可用雜色者若有一處色蒼風愈之後其處肌膚色黑此與蛇發風毒白花蛇善解風毒之義不殊白鵝脂祛風潤燥解礬石毒血能涌吐胃中痰結開血膈吐逆食不得入乘熱恣飲即能嘔出病根以血引血同氣相求之驗也中射工毒者飲之并塗其身即解以其能食此蟲也尾膠內耳中治聾及聾耳取以達三焦之氣也涎治誤吞稻芒亦物性之相制耳白鵝屎絞汁治小兒鵝口瘡蒼鵝屎博蟲蛇咬毒

雁 甘溫無毒 本經主風攣拘急偏枯血氣不通行 發明 雁為信鳥豈宜食之故道家謂之天厭性善通利血氣風攣拘急偏枯取肉炙熟帖之昔黃帝製指南於鴈脰骨空中製鍼取其能定南北也但覓之不易今人於鯉魚腦中製之以其性專伏土定而不移可定水土之方向也

鶩即家鴨

甘溫無毒嫩者有毒老者無毒

發明 鶩之逼火而生啜水而長未出卵時先得火氣故不憚冰雪偏

喜淫雨而尾膠瀼濁最甚故羣雌一被其氣皆得生化之機不待鶩尾之遍也溫中補虛扶陽利水是其本性男子陽氣不振者食之最宜患水腫人用之最受黑嘴白毛者治腸胃久虛葛可久白鳳膏用之取金水相生之義綠頭老鴨治陽水暴腫外臺鴨頭丸用之取通調水道之義白鴨生血能補血解毒勞傷吐血衝熱酒調服屢效中射工溪毒及野葛砒霜毒灌之即解悞吞金銀入腹乘熱頓飲數升其金即下諸鴨涎治穀麥芒入喉及小兒瘰癧風反張滴之即消卵能閉氣以混沌未分塞人聰慧諸病忌食而滯下尤禁白鴨通殺石藥毒凡服藥過劑昏迷眩暈者取白鴨通一合湯漬澄清服之即解勿以其穢而棄諸

鳧即野鴨

甘平無毒

發明

鳧逐羣飛夏藏冬見與鴻雁不異其在九月以後立春以前味極甘美病人食之全

勝家鴨以其肥而不脂美而易化故滯下泄瀉喘效上氣虛勞失血及產後病後無不宜之雖有安中利水之功而方藥曾未之及孟詵除十一種蟲等治未能深信摘玄方解批生蠱毒取生鳧血熱飲探吐於此可悟生鵝血可吐胸腹諸蟲血積總以血引血同氣相應之力耳

雞 甘平小毒諸雞有五色者黑雞白首者六指者死足不伸者並不可食 發明 雞屬巽而動風外應乎木內通乎肝得陽氣之最早故先寅而鳴必鼓翅火動生風之象風火易動而易散人之陽事不力者不宜食雞是以

昔人有利婦人不利男子之說而東南之人肝氣易動動則生火生痰病邪得之為有助也北方陽氣潛伏最宜發越病邪得之便能作汗以其能助肝氣也姑以物性之常變言之諸雞中惟烏骨白絲毛者最良巽象變坎得水木之精氣肝腎血分病宜之烏骨雞尤治經癸胎產虛熱諸病以其峻補肝血也今人治賊風痛痺專取五爪烏骨雞雞治病人痛處任在鳴喙少頃其痛自止雞之五爪者有毒此專取其毒以引其毒外泄也丹雄雞治女人崩中漏下赤白痢通神明殺惡毒辟不祥中惡魔魅以血灌鼻即蘇中風口眼喎斜乘熱塗患處即止雞冠血和酒釀調陵鯉甲末治痘瘡肝熱毒盛而變青乾紫黑陷伏黃雌雞治產後虛羸煮汁煎藥最宜黑雌雞治妊娠胎息不安泰和老雞內托小兒痘瘡近世治產後虛羸寒熱亦取用之以其能助肝經生氣也雄雞肝取不落水者研爛和蜂蠟酒釀爛熟治小兒疳積壞眼日服無間醫盡為度雞脫脰俗名雞內金治食積腹滿反胃泄利及眼目障翳雞卵治傷寒發狂咳嗽失音並生食之以雞卵略敲搗勿令清漏浸尿中冬三夏一日取煮食之治哮喘風痰雞子清治伏熱目赤喉痛雞子黃治產後胞衣不下並用生者又以煮熟去白取黃同亂髮香油熬化塗嬰孩胎毒熱瘡抱出卵殼研細為末去目中瘡醫燒灰蜜調塗嬰兒頭身諸瘡卵殼中白皮同麻黃紫苑治久放氣結縶雞子乃不孚之卵取以同犬屎敷腫瘍其痛立止千金方也雞矢白為散無灰酒下一錢心治蠱脹腹滿內經雞矢醴也溏矢和石灰末塗疔腫半日許即能拔出

雉脚野

甘酸溫小毒

發明

俾雅云蛇交雉則生蜃蜃為雉入大水所化推其變化之源必由異氣所感水經

云蛇雉遺卵於地而為蛟其卵遇雷則入地不遇雷則仍為雉於此可悟其化蜃總由靈蛇之性未泯不得山靈之氣遂其飛騰則得滄溟之氣恣其吞吐是與虹蜺奚擇哉別錄言其補中益氣力止泄痢除蟻運此指尋常之雉而言千金以之治蟻運因其喜於食蟻乃用以製之也周禮庖人供六禽雉是其一亦食品之貴然有毒不可常食有病入尤非所宜而春夏不可食者以其食蟲蟻也時珍曰雉屬離火雞屬巽木故煮雞則冠變煮雉則冠紅火性暴烈發痔發瘡與家雞子同食令人發疰週身疼痛為患種種惡得謂之無毒乎

烏鴉

酸甘平無毒種類有四小而純黑者為烏大嘴而腹下白者為鴉並入藥用其項白而大者為燕烏嘴赤而

小者為山烏皆不入藥

發明

慈烏反哺性靈孝慈嘉祐雖有補勞治瘦之功骨蒸羸弱咳嗽之治然血肉之中

豈無他味。而忍傷孝慈之物哉。○烏鴉嘴大貪戾傷生時珍取治暗風癩疾勞傷吐血效嗽殺蟲等病。專取搜逐風毒之用。與燕鳥之調補虛羸各有仁慈剛暴之用。美嘗天淵。

鵲鵲重 甘寒無毒。發明 鵲性靈慧能知吉凶。觀其營巢門戶必背太歲而向太乙。非鴛鴦之可比。別錄用之。為下石淋專藥。以其鳴必掉尾。取其週身利氣。悉向下通也。藏器有云。燒灰淋汁飲之。令人淋石自下。蘇頌言。婦人不可食。以其相視得通音感。而孕也。其腦燒之入酒同飲。令人相思。蘇頌之說。得非緣此。○鵲重巢。日華取多年者。燒之療顛狂鬼魅及蠱毒。仍呼崇物名。號亦數。璣瘡千金治婦人難產。取多年生有相安之義。

鷓鴣 甘溫小毒。發明 此物食烏頭半莖苗好。咬此者多發咽喉頭腦腫痛。甘草生薑並可解之。唐本言。鷓鴣治嶺南野葛菌子生金毒。及溫瘧久病欲死者。合毛款酒漬服之。或生搗汁服最良。日華云。酒服主蠱氣欲死。孟詵云。能利五藏益心力。令人聰明。

鵝 甘平無毒。發明 鵝主腹大如鼓。解熱結。療小兒疳。按鵝乃蛙化。氣性相同。蛙與蝦蟇皆解熱結。治舟利水消腫。則鵝之消鼓脹。益亦同功。食後下如鵝脂數次即愈。

鵪鶉 鹹平無毒。發明 鵪鶉之品類頗多。惟白者入藥。能解諸藥毒。久患虛羸者。食之有益。調精益氣。治惡瘡疥癬風癩。白癩風癩癰瘍風者。熱酒服。無不宜之。鵪鶉能稀痘。其矢氣臭之能殺瘵蟲。虛勞家咸多畜之。

鴛鴦鴛作鴛即黃鵝 甘溫無毒。發明 此鳥感春陽先鳴。故能補益陽氣。食之令人不妒。以陽和之氣。能勝陰毒也。按陽燧止妒。論云。梁武帝却后性妒。或言倉庚為膳。療治。遂令食之。如果減半。

雀卵 甘溫無毒。服亦人忌食。發明 雀屬陽而性淫。故能強壯陽事。火衰陰痿精寒者最宜。陰虛火盛者禁用。雀卵治血枯。素問有四鳥鱠骨一薦。茹丸用之最妙。如無雀卵。生雀肝代之。頭血主雀盲。腦用綿裹塞耳治聾。雄雀尿名白丁香。去目中醫膜及面上野黑。但取直者。即雄與猴鼠糞無異。入藥有效。

伏翼即蝙蝠 鹹平無毒。伏翼煨反用。夜明砂淘淨焙用。本經主目暝。瘡痛。明日夜視有精光。其屎治面癰腫。皮膚洗洗時痛。腹中血氣。破寒熱積聚。除驚悸。發明 本經治目暝。瘡痛。用伏翼。近世日科。惟用夜明砂。鮮有用。伏翼者。要皆厥陰肝經血分藥也。其伏翼屎能破結血消積。故目昏盲障。瘵癩淋帶。瘵癩癰疽。皆用之。然蝙蝠食之。

伏翼即蝙蝠 鹹平無毒。伏翼煨反用。夜明砂淘淨焙用。本經主目暝。瘡痛。明日夜視有精光。其屎治面癰腫。皮膚洗洗時痛。腹中血氣。破寒熱積聚。除驚悸。發明 本經治目暝。瘡痛。用伏翼。近世日科。惟用夜明砂。鮮有用。伏翼者。要皆厥陰肝經血分藥也。其伏翼屎能破結血消積。故目昏盲障。瘵癩淋帶。瘵癩癰疽。皆用之。然蝙蝠食之。

伏翼即蝙蝠 鹹平無毒。伏翼煨反用。夜明砂淘淨焙用。本經主目暝。瘡痛。明日夜視有精光。其屎治面癰腫。皮膚洗洗時痛。腹中血氣。破寒熱積聚。除驚悸。發明 本經治目暝。瘡痛。用伏翼。近世日科。惟用夜明砂。鮮有用。伏翼者。要皆厥陰肝經血分藥也。其伏翼屎能破結血消積。故目昏盲障。瘵癩淋帶。瘵癩癰疽。皆用之。然蝙蝠食之。

伏翼即蝙蝠 鹹平無毒。伏翼煨反用。夜明砂淘淨焙用。本經主目暝。瘡痛。明日夜視有精光。其屎治面癰腫。皮膚洗洗時痛。腹中血氣。破寒熱積聚。除驚悸。發明 本經治目暝。瘡痛。用伏翼。近世日科。惟用夜明砂。鮮有用。伏翼者。要皆厥陰肝經血分藥也。其伏翼屎能破結血消積。故目昏盲障。瘵癩淋帶。瘵癩癰疽。皆用之。然蝙蝠食之。

大能利人稍虛者不可輕用

五靈脂即寒號蟲矢又名鸚鵡 苦酸寒小毒。研細酒飛去砂石晒乾生用則破血炒用則和血。發明 鸚鵡候時鳥也。晉

地有之。春夏羽儀豐盛冬時裸形。晝夜哀鳴。故楊氏丹鉛錄謂之寒號蟲。屎名五靈脂。謂狀如凝脂。而受五行之靈

氣也。其氣腥穢。其味苦酸。大傷胃氣。綱目言其甘溫。恐非正論。雖有治目昏中脫疼痛之功。惟藜藿庶可應用。終非

膏粱所宜。同蒲黃名笑散。治一切心胸腹脇少腹諸痛。及產後結血血崩。目中生翳。往來不定。其性入肝。散血最

速。但性極羶惡。脾胃虛者不能勝其氣也。

斑鳩 甘平無毒。發明 斑鳩補腎。故能明目。治虛損益氣。食之令人不噎。目科斑鳩丸。錦鳩丸。用之取氣血為

引導。以助補腎明目之功也。

伯勞 平有毒。發明 方藥未有用者。其毛治小兒繼病。俗作魁病。取毛帶之。繼病者母有娠乳兒。兒病如瘧痢

他日相繼腹大。或癢或發。他人有娠相近。亦能相繼也。北人未識此病。

鸚鵡俗名 甘平無毒。發明 鸚鵡目和乳汁滴目。令人目明。能見霄外之物。甚言明目之効耳。肉治噎逆。及五

痔。止血並炙熟食之。

啄木鳥 甘酸平無毒。形色與畫眉鳥相似。但頭頂有紅毛一片。嘴與爪皆堅銳如鐵。故能啄木取蠹。不可不辨。

發明 啄木性專殺蠹。故能治人藏府稍蠹之患。時珍治勞瘵癰痿。皆取制蟲之義。燒灰存性。治痔漏。蠹管。納孔中

不過二三次。愈。丹方治噎膈。諸藥不效。以之熬膏。入麝香一錢。七晝夜六時嗅之。膈塞自開。益噎膈多有因鬱積所

致。以其善開木鬱之邪也。

鸕鷀即水鳥 酸鹹溫微毒。或云鹹寒。誤。發明 鸕鷀性寒。利水能治腹大如鼓。體寒者。以鸕鷀燒存性。為末。米飲

服之。其骨煨反蜜調。綿裹治魚骨鯁。與白鷺骨同功。嘴骨尤効。○鸕鷀屎多在石上。色紫如花。就石刮取。名蜀水。花

能去面上野黑。鷹痔。滅癩。疔及湯火瘡痕。和猪脂敷。疔瘡。

鷹屎白 微寒無毒。本經主傷撻滅癩。發明 虎嘯則風生於地。鷹揚則風動於天。具體雖殊。機應則一。鷹具

雄健之翮。不能長恃無虞。至秋火伏。金生。令行改革。勁翮漸脫。弱翎未振。即有雄風。未遂奮揚。是以眾鳥侮之。月令



所謂鷹乃祭鳥是也古聖觸物致思專取鷹之屎白滅傷瘡痕雖取穢惡滌清實取其翻之善脫也後人推而廣之用以滌除目中宿翳吹點藥中咸取用之其屎中化未盡之毛謂之鷹條入陰丹陽丹不特取其翻之善脫以治難脫之病并取其屎中未化之羽以消目中未脫之翳穎脫之妙用崇古未宣因顯示後起毋失本經取用之義

鷓鴣 溫小毒 發明 鷹鷓鴣骨皆能接骨以鷓鴣之力在骨故以骨治骨從其類也折傷斷骨燒灰每服二錢酒下在上食後在下食前骨即接如初但在三日內者易治三日外則難治以氣血凝滯不能合轍也

鴟 鹹平小毒 發明 鴟頭治頭風目眩顛倒癩疾千金治頭風眩轉面上游風有鴟頭酒聖惠治旋風眩胃有鴟頭丸總取旋風健搏之力

鴉 甘溫小毒 發明 鴉治風癩嗜食取初生無毛者一對黃泥固濟煨存性為末每服一匙溫酒服之頭主痘瘡黑陷用臘月者燒灰酒服之當起

鴟鵂 俗呼貓頭鷹 酸微鹹小毒 發明 鴟鵂不祥之物古方罕用近世治傳屍勞瘵專取陰毒之味以殺陰毒之蟲也方用鴟鵂酒煮焙乾同大鰻鱧七條攤薄荷上蒸爛和薯蕷一助搗焙細末為丸空腹酒下三錢功用與獺肝仿

佛方士用以昏夜露者以聚鬼魅是以至陰之味誘至陰之物也  
鴟 大毒 發明 鴟毒最烈非宿積癩不能自安以其無枝人莫能捕也人欲求自盡者以翅羽調酒服之立斃與鶴頂之毒無異別錄云鴟啄殺蝮蛇毒時珍言蝮蛇中人刮末塗之即愈如極惡之人有以用之未嘗不解危救急也

獸部

猪 甘平無毒同驢馬肉食之令人霍亂同羊肝食之令人心悶與生胡荽同食傷人臍 發明 猪屬水獸性懶善淫飽食無所用力周身脂膏不流故人食之助濕生痰莫此為甚而肥盛之人尤非所宜一種蹄甲白者有金水

相生之象稍異尋常鹽漬風乾製為南腿有補養脾腎之能病人食之略無妨礙良非鮮者之比丹溪云猪肉補陽陰虛者切宜少食益肉性入胃便作濕熱生痰痰生則氣不降而諸證作矣故痰嗽家最忌然肺燥乾效及火嗽痰

結者食之痰即易出其嗽便止但不宜過鹹耳當知助濕生痰惟中間膠脂一層專助脾濕若皮則走肺益氣精者

補肝益血。但嫌難化耳。其汗則全是膠脂鎔化食之滲入經絡。故東垣言之頗詳。千金治打傷青腫。炙豬肉搗之。小兒火丹。生豬肉切片貼之。漆瘡作癢。宜啖豬肉。并以豬脂塗之。男女陰蝕。肥豬肉者。汁洗之。不過三十筋。瘡山行石。蟻著人足。則穿肌入肉。但以臘脂膏和鹽塗足。脛趾即不著人。也。急救方。治竹木刺入肉。以多年熏肉。切片包裏。即出。其腎性堅難化。且藏淫火。最不宜入。而治腎虛腰痛。豬腎切開。入人參末一錢。濕紙裹煨。每日空心嚼一枚。或入青蛾丸中煮食。並効。其治水脹。用豬脂丸。便血用藏連丸。皆用以為引藥。入病處耳。心血。治驚風癩癩。蓋以心歸心。以血導血之意。得冰片入心經也。卒中惡死。尾血灌之。取其動而不息之意。并縛豚枕之。即活。蛇入人孔。割母豬尾。血滴入。即出。用肝者。肝主藏血。血病用為嚮導。故脫肛。肝虛。雀目。用之。服即三焦。能滌除腎藏邪毒垢膩。故同胡黃連等藥。治微瘡。最捷。用膽者。取其瀉肝膽之火。故仲景白通湯。用為嚮導。蓋寒能勝熱。滑能潤燥。苦能入心也。傷寒熱邪燥結。有豬膽導法。又膽汁和香油等分。亦治微瘡。結毒。清晨連服七日。大便下泄。邪毒最捷。未盡。停七日。更服。七日餘。邪自盡。屢驗。尿脬。治產婦傷膀胱。急用上好人參一兩。入脬中煮食。日日服之。稍或遲延。氣血衰冷。不可瘡矣。齒治驚癇。乳能斷酒。千金方用之。其膚者。皮上白膏是也。取其鹹寒入腎。用以調陰散熱。故仲景治少陰病。下利咽痛。胸滿。心煩。有豬膚湯。予嘗用之。其効最捷。豚卵。治陰莖中疼。驚癇。鬼氣。蠱毒。除寒熱。責豚。五癘邪氣。攣縮。豬蹄。煮湯去油。煎催乳藥。及醃洗潰瘍。有効。蹄甲。本經治五疔。伏熱在腹中。腸癰內蝕。今日疔外障。亦用之。豬腦。治風眩。腦鳴。凍瘡。癰疽。塗紙上。貼乾則易之。禮記云。食豚去腦。孫真人食忌云。豬腦損男子陽道。酒後尤不可食。延壽書云。以鹽酒食豬腦。是自引賊也。豬骨。燒存性。為末。水服。方寸匕。治食諸果中毒。又解馬肝。漏脯等毒。豬毛。燒灰。麻油。調塗。湯火傷。留竅。出毒。則無痕。豬屎。古方取用頗多。千金治患霧氣。心煩。少氣。頭痛。項急。起則目眩。欲倒。戰掉不安。憎寒。微熱。心中欲吐。吐時無物。用新豬屎二升半。內好酒一觔。攪令散。以生布絞取汁。更以綿濾。頓服之。卽地鋪暖。覆卧。面前著火。常令汗出。得汗待其自乾。乃起。亦治風勞。蠱毒。燒灰。治痘瘡。黑陷。無價散。用之。又衝沸湯。蒸麻疹。陷伏。卽起。總取穢惡。以辟不祥之氣。同氣相應之用耳。

狗 鹹酸溫無毒。熱病後忌食。妊婦食之。令子無聲。發明 狗屬土。而有火。故夕人履其地。雖卧必省。天時亢熱。則卧陰地下。元虛人。食之最宜。但食後必發口燥。惟啜米湯以解之。敗瘡稀水不斂。日噉狗肉。最佳。痔漏人。歲久不

愈日食自瘥。凡食犬肉不消。心下堅。或腹脹口乾大渴。心急發熱。妄語如狂。或洞下泄。以杏仁一升。合皮熟研。沸湯三升。和取汁。分三服。利下肉片大驗。狗膽。本經主明目。取其夜能見物也。陰莖。治傷中陰痿不起。除女子帶下十二疾。狗頭骨煨末。止婦人崩中下痢。取其溫而能散也。狗屎。中米名戎腹糧。又名白龍砂。主噎膈風病。及疔瘡倒靨。用此催漿為最。取其性溫熱也。若乾紫黑焦為血熱毒盛。慎勿誤用。其血能破妖邪。以性屬陽。陰邪不能勝之也。

羊 甘溫有毒。羊類多種。惟白羯者良。胡羊毛。捲洗羊毛。豐肉厚皮薄。並可為裘。詳羊頭首。羯羊色黃。形羸味薄。不堪供饌。凡煮羊。忌用銅器。有宿熱者不可食。大病食之必發熱。瘡家及癩疾。家食之必發。以其食百草之毒也。羊肉不可共生魚鮓食。能害人。白羊黑首。食其腦作腸癰。羊肝共生椒食之。傷人五藏。羊蹄中有白珠者。名羊懸。食之令人癩。羊獨角及四角者。關外有之。皆有毒不宜食。發明 羊為肺家之獸。目無瞳子。周身之氣皆聚於肺。故其氣

最腥膻。而性味甘溫。色白補肺。是以昔人有人參補氣。羊肉補形之說。金匱治產後腹中虛痛。及少腹寒疝。並用當歸生薑羊肉湯。專取羊肉之甘溫。煮湯去滓。以助當歸生薑辛散之力。虛滯得以開矣。羊腎。治腎虛膀胱蓄熱。胞痹小便淋瀝。痿脹。千金腎瀝湯。以之為主。羊石子。即羊之外腎。治腎虛精滑。本事金鎖丹用之。羊膝。治下虛遺溺。溫水漂淨。入補骨脂焙乾。為末。卧時溫酒服。半兩。不過四五服。即瘥。羊肝補肝。專主肝經受傷。目無精光之病。膽。治青盲目暗。膽開竅於目。膽汁充則目明。膽汁減則目暗。古方碧雲膏。臘月取羯羊膽。以蜜盛滿。懸簷下。待霜出。取藏。點眼

神效。羊乳潤而且補。反胃人宜時時食之。取開胃脘潤大腸之燥也。青羊者尤良。羊肺治嗽止渴。久嗽肺虛者宜之。羊脂主反胃止汗。治虛羸小便數。羊脂。生主下痢脫肛。取潤以導之。補中寓瀉也。熟主賊風痿痺。潤肌膚。入膏透經絡。風執毒氣。婦人產後腹中絞痛。丸劑中最宜。羊服滌除藏府垢膩。與豬服同功。而入肺祛痰尤捷。羊骨稟西方堅

勁之氣。最銳。得火煨以濟之。可以消銅鐵。故候吞銅鐵者。用之。觀磨鏡者。非此不明。其治賊風痺痛。同虎骨。服灰酒。服皆隨痛處取用。羊焙燒。火數小兒頰疔。并瘰癧。瘰癧。羊胎炙乾入藥。亦能補人。與鹿胎紫河車。同入六味地黃丸中。名三胎丸。調補腎虛羸瘦。最為得力。羊血解石藥毒。外臺云。凡服丹石人。忌食羊血十年。一食。前功盡亡。凡服

石藥。覺毒發刺。羊血熱飲一升。即解。服地黃何首烏補藥者。忌之。  
殺羊角音古 鹹平無毒。本經主青盲明目。止驚悸寒泄。久服安心益氣。輕身殺毒蟲。入山燒之。辟惡虎狼。

發明 殺羊與羚羊俱是野獸殺則雄猛倍甚角亦起稜與羚羊不殊但色黑如漆故專伐腎邪辟不祥與羚羊大都彷彿互參本經此言青盲明目即羚羊之專主明目也此言止驚悸即羚羊之治魔寐也此言止寒泄即羚羊之去惡血注下也此言久服安心益氣輕身即羚羊之益氣起陰氣也此言殺毒蟲辟惡鬼虎狼即羚羊之辟毒惡鬼不祥也但此主寒泄本乎腎虛不能攝津彼主惡血注下係乎肝傷不能統血而別錄治蠱毒吐血又與羚羊主治相符究其大綱此專補救腫人彼專消磨腎障一皆證治之常至於燒之辟惡鬼虎狼如此奇突迥出意外非尋常之可擬也

牛 甘溫無毒同猪肉食之生寸白蟲獨肝牛善噉蛇食之傷人春月自死牛肉及生疔牛肉食之令人瘟急以生甘草煮汁解之剝瘟牛傷手足者令人脹滿急宜解之遲則不救 發明 黃牛肉補氣與黃耆同功觀丹溪倒倉法論而引伸觸類則牛之補土可心解矣又以黃牛肉取四蹄各五片熬膏去滓收乾如鹿膠法名霞天膏主中風偏廢口眼歪斜痰涎壅塞五藏六府留痰宿飲癱塊手足皮膚中痰核及大病後極虛羸瘦每斤入茯苓四兩煩燥空腹酒服三四錢肥盛多痰者每斤入半夏四兩廣皮二兩丸服大效牛本屬坤土而膽主風木故能鎮肝明目臘月用釀南星末陰乾歲久多製則苦潤不燥治經絡風痰及小兒驚痰其功不減牛黃牛骨髓補中填骨髓久服增年能潤澤肌膚黃牛腦和藥治頭風腦漏牛角膠本經下閉血瘀血疼痛女人帶下血崩燔之酒服宗奭曰燒灰主婦人血崩大便下血血痢牛血性溫能補脾胃諸虛治便血血痢一切病後羸瘦咸宜食之其膠乃肺系肉團瓦上焙乾為末酒服治喉痺氣癭古方多用之或以製藥益佳取引入肺經以通氣結耳與猪羊鬚療治不殊牛齒燒灰治小兒疳牛乳補虛羸少渴噎膈反胃大便燥者宜之入生薑葱白止小兒風熱吐乳牛馬肉共生魚食之成鼈瘕牛尿治水腫但胃虛少食人勿用牛屎燒灰傳小兒痘瘡潰爛產實治子死腹中以濕牛糞塗之牛鬚草絞汁治反胃噎膈取其沾涎之多也

馬 辛溫有毒綱目作甘涼非馬脚無夜眼白馬黑頭白馬青蹄者皆不可食鞍下肉食之殺人肝亦不可食以鞭驅之傷皆聚於肝也食馬肉中毒欲死以香豉杏仁各二兩蒸熟杵末服之或者蘆根汁飲之 發明 按靈樞經云卒口僻急者目不合熱則筋縱目不開頰筋有寒則急引頰移口有熱則弛縱緩不勝收故辟治之以馬膏膏其

急頰以白酒和桂塗其緩頰以秦鈞勾之。卽以生桑灰置之坎中。高下以坐等。以膏熨急頰。且飲美酒。噉炙肉。不飲酒者自強也。為之三拊而已。世多不知此方之妙。竊謂口頰喎僻。乃風中血脉也。手足陽明之經絡於口。會太陽之經絡於目。寒則筋急而僻。熱則筋緩而縱。故左中寒則逼熱於右。右中寒則逼熱於左。寒者急而熱者緩也。急者皮膚頑痺。營衛凝滯。治法急者緩之。緩者急之。故用馬膏之甘平柔緩以摩其急。以潤其痺。以通其血脉。用桂酒之辛熱急束。以塗其緩。以收其縱。以和其營衛。以通其筋絡。秦能治風痺。通節竅也。病在上者。酒以行之。甘以助之。故飲美酒。噉炙肉云耳。馬白睛。治癩癩時發。千金方用之。馬心食之善忘。馬肺食之寒熱。姜陽馬鞍下肉食之。傷人五藏。馬乳祛風止渴。白馬蹄。本經主驚邪。瘵癉。乳難辟鬼。氣鬼毒。蠱疰不祥。別錄止衄。內崩。齩齒。白馬者。治婦人白崩。赤馬者。治婦人赤崩。鬣。主小兒驚癩。女子崩中。赤白隨其色。用之燒灰。止血塗惡瘡。尾。主女人崩中。小兒客忤。白馬陰瘻。本經主傷中絕脈。陰不起。強志益氣。長肌肉。肥健生子。野馬陰莖食之。令人陰萎。野馬肉食之。成馬癩。筋脈不能自收持。馬溺微寒。小毒。治癰疽有驗。反胃有蟲積者。亦能治之。潰瘍著肉。腐爛徹骨。毒能傷人。馬矢燂風痺藥酒。取其透達。直入病所也。馬通。止血解毒。千金梅師治吐血衄血。肘後治卒中惡吐利不止。經驗治絞腸沙。腹痛欲死。俱絞汁服之。又肘後治久痢赤白。聖惠治傷寒勞復。俱燒灰服之。千金治肋骨破傷。以熱馬屎敷之。又治破傷腫痛。以馬屎燒烟重之。聖惠治疔腫傷風腫痛。以馬屎炒熱熨之。靈樞椒薑桂酒置馬矢煨中。助一切藥力也。令人以馬屎煨烟重。籠食蟲無不斃者。食馬肉。心煩者。飲美酒則解。飲濁酒則劇。

驢 甘溫無毒。綱目作甘涼。發明 驢肉食之。動風。脂肥尤甚。日華子言治一切風。是指烏驢而言。烏驢皮治風補血。東夷阿井水煎膏用之。驢鬣。能長鬚髮。與馬鬣同功。驢鬣。強陰壯筋。與白馬莖同功。驢乳。瘡黃瘡濕熱。止渴。驢尿。專於殺蟲。利水止脹。其治噎膈。或單服。或入四物湯服之。効。驢屎。炒熨風腫漏瘡。絞汁。主心腹疼痛。治水腫服五合良。

駝峯 甘溫無毒 發明 駝峯八珍之一。味雖極美。但能動風。宿有風氣人勿食。駝脂。摩風去頑皮。死肌。取熱氣透肉也。

駱 甘平無毒 發明 凡牛羊駝馬之乳。並可作駱。南人惟知熱酒冲食。北人必以熬熟冲茶漿服。大能清胃。不



助濕熱止煩解渴除心膈熱悶潤腸胃燥結摩腫生精血補虛損壯顏色戴原禮云乳酪血液之屬血燥者宜食較之人乳尤勝以其無怒火淫毒也華元化云涎螭入耳以酪灌入即出

酥一名甘寒利下無毒酥酪不可與生魚膽同食令人腹内生蟲發明酥酪醍醐性皆滑潤故血熱枯燥之人咸宜用之又傷熱失音用以通聲最妙凡炙一切氣血堅韌筋骨藥俱不可少但脾胃虛滑者禁用

阿膠 甘平微溫無毒辨真偽法以頂有鬚文極圓整者為真折之沉亮不作屑不作皮臭蛤粉炒成珠經月不軟者為佳東阿產者雖假猶無妨害其水膠入木煤質造有傷脾氣慎不可用 本經主心腹內崩勞極洒洒如瘧狀

腰腹痛四肢酸疼女子下血安胎久服輕身益氣發明阿井本淄水之源色黑性輕故能益肺補腎兼用烏鹽必陽谷山中驗其舌黑其皮表裏通黑者用以熬膠則能補血止血本經治心腹內崩下血安胎為諸失血要藥勞

證效嗽喘急肺痿肺癰潤燥滋大腸治下痢便膿血所謂陰不足者補之以味也

黃明膠即廣 甘平無毒發明明膠治吐血衄血下血血淋血痢妊娠胎動下血風濕走注疼痛打撲傷湯火傷一切癰疽腫毒治血止痛潤燥利大小腸皆取其有滋益之功無滑利之患

牛黃 苦平小毒試真假法指摩透甲其體輕氣香置舌上先苦後甘清涼透心者為真喝迫而得者名生神黃圓滑外有血絲嫩黃層多者為上殺後取者其形雖圓下面必扁者次之在角中者名角黃心中剝得者名心黃膽中

得之名膽黃則又次之產西戎者為西黃產廣東者名廣黃 本經主驚癇寒熱盛狂狂瘕除邪逐鬼發明牛有黃是牛之病也因其病之在心及肝膽之間凝結成黃故還治心及肝膽之病本經治驚癇寒熱狂瘕邪鬼皆痰

熱所致其功長於清心化熱利痰涼驚安神辟惡故清心牛黃丸以之為君其風中心藏者亦必用之若中經中府者誤用引邪深入如油入甌莫之能出宜詳審而用可也

狗寶 甘苦溫小毒狀如白石微帶青色擊碎其理如蟲白臘者真發明狗寶專治噎膈反胃之病取苦能下

降溫能開結也予嘗推廣其用凡癰疽潰瘍不收癩狂冷痰積結無不可用惟鬱結傷脾氣血枯槁者誤投則有負

薪救火之厄

獅油 辛溫有毒色微黑者真發明獅為百獸之長性最難馴一吼則百獸辟易爾雅言其食虎豹能太古言

其乳入牛羊馬乳中皆化成水西域人捕得取其油入貢以供宮人滌除衣垢之用又能去紙上墨跡刮少許隔紙熨之卽脫子嘗試用垢雖去而衣易毀紙易脆僅供一時之用雖條方物方藥罕用近世醫師以之治噎膈病蓋噎膈皆鬱痰積所致用取滌垢之意試之輒驗由是方家爭為奇物但性最猛利力能墮胎孕婦忌用象油亦能去垢滌痰但不能去墨跡耳。

虎骨 辛微熱無毒骨取黃潤者良若帶青黑色乃藥箭射者有毒勿用酥炙黃脆用之 發明 虎陰也風陽也

虎金也風木也虎嘯風生木承金制陽出陰藏之義故骨能追風定痛強筋壯骨風病學急骨節風毒為之要藥虎之一身節節氣力皆出前足故膝脛為勝而前左脛尤良以卧必用左脛為枕也然按病之前後左右取用其效尤捷入陰陽二蹠虎睛定魄千金治狂邪有虎睛湯丸並酒浸炙乾用一時不可得以珍珠蝦末代之總取定魄之用也虎膽治反胃吐食新瓦上煨存性入平胃散末和勻空腹白湯服三錢效虎頭骨治頭風藥中浸酒服作枕止瘧虎長牙辟邪殺蟲傳尸方用之

象皮 鹹溫無毒 發明 象秉西方金氣金令主藏不宜擅鳴鳴主金象大非所宜其皮專於收斂其肉壅腫人以斧刀刺之平日卽合故治金瘡不合者用其皮煨存性敷之若入長肉諸膏藥切片酥拌炙之象牙甘寒能解癰腫諸毒磨水服之造筋磨礪之末生蜜調塗治諸鐵雜物入肉舊梳刮薄片屑溫湯頻服治竹木刺及諸魚骨鯁卽時吐出不吐再服以吐出為度非刮下薄片不能應手也

犀角 苦微鹹大寒無毒銛成以熱手掌摸之香者為真臭者卽假忌酒鹽烏附孕婦勿服能消胎氣 發明 犀

之精靈皆聚於角足陽明胃為水穀之海飲食藥物必先受之故犀角能涼血散血及畜血驚狂斑痘之證皆取以通利陽明血結耳別錄治傷寒溫疫頭痛寒熱諸毒抱朴子云犀食百草之毒及衆木之棘所以能解毒凡蠱毒之人遇有飲食以犀筋攪之有毒則生白沫無毒則否宗奭曰鹿取草犀取尖其精銳之力盡在是也其治吐血衄血大小便血犀角地黃湯為之專藥若患久氣虛又為切禁以其能耗散血氣也痘瘡之血熱毒盛者尤為必需然在六七日灌漿之時又為切禁以其能化膿為水也而結痂後餘毒難腫則又不足惟氣虛毒盛之痘切不可犯其性大寒無大熱邪者俱不可用凡中毒前以犀角刺瘡中立愈又感山嵐瘴氣射工溪毒用生犀磨汁服之卽解

能脂肉 甘溫無毒 本經主風痺不仁筋急五藏腹中積聚寒熱羸瘦頭瘍白禿面上好癩 發明 熊稟雄殺

之性故其脂可開風痺不仁等疾可服可摩但不可作燈烟氣薰目使人不能遠視本經所主不出風痺筋急之用

風為陽邪能為陽獸其性溫潤能通行經絡開通血氣也能筋亦能壯筋強力與虎骨之搜風壯骨無異能肉振羸

其氣有餘癩病人食之終身不愈

能膽 苦寒無毒試法取少許研滴水中掛下如線直至水底不散者為真 發明 熊膽苦入心寒勝濕手少陰

足厥陰藥也其性潔不染塵故能清心平肝為時氣熱盛變為黃阻之要藥又能殺蟲明目除醫痔瘡疥蟲牙蚊痛

小兒驚癇瘰癧以竹瀝化豆大許服之去心中涎痔瘡赤腫水化點之即消凡實熱之證用之咸宜苟涉虛家便當

嚴禁

麝羊角 即麝 鹹寒無毒鎊碎胸前煨熱令脆研如粉不則粘人腸胃 本經主明目益氣起陰去惡血注下辟蠱

毒惡鬼不祥魘寐 發明 麝羊屬木入足厥陰伐肝最捷目暗醫障而麝羊角能平之瘡瘡正面稠密不能起發

而麝羊能分之小兒驚癇婦人子癩大人中風搐搦及筋寒歷節痛而麝羊角能舒之驚駭不寧狂越魘寐而麝羊

角能安之惡鬼不祥而麝羊角能辟之惡血注下蠱毒疔腫瘡腫癰瘻產後血氣而麝羊角能散之濕熱留滯陽氣

不依陰器衰痿而麝羊角能起之煩憊氣逆噎塞不通鬱為寒熱而麝羊角能降之詳本經所主皆取散厥陰血結

耳愚按諸角皆能入肝散血解毒而犀角為之首推以其專食百草之毒兼走陽明力能祛之外出也故痘瘡之血

熱毒盛者為之必需若痘瘡之毒并在氣分而正面稠密不能起發者又須麝羊角以分解其勢使惡血流於他處

此非犀角之所能也人但知麝羊角能消目醫定驚癇而散痘瘡惡血之功人所共昧殺羊角治青盲目暗與麝羊

角不殊而辟除邪魅蠱毒亦相彷彿惜乎從未之聞惟消乳癰丹方用之白羯羊角亦能消乳癰而方家每用琉璃

角燈磁片刮取薄屑置胸中候脫杵細酒服方寸匙屢效專取宿腐之味以消陳積之殆也其鹿角刮屑善消虛人

乳腫未潰即消已潰即斂即本經主漏下惡血之治龍角治神魂不寧功用與龍齒略同千金方中有齒角並用者  
牛角肥專主閉血血崩牛之一身惟此無用而本經特為採錄千金尤為崩漏要藥可見天地間無棄物也  
山羊血 鹹溫無毒 苗人以藥竹通節削利活刺 發明 山羊產瀘蜀諸山中性善走逐好鬪肉能療冷勞山

嵐瘴痢婦人赤白帶下其心血綱目失載性溫味鹹為和傷散血之神藥其治跌撲損傷單用酒服取醉醉醒其骨自續每用不過分許不可多服雖不傷耗元氣而力能走散陰血然必初患便服得效最速若過三五日血凝氣滯無濟於治矣但舉世用者絕罕間有收取而市者其價重等於牛黃且心血絕不易得滲血丹用之真虛勞失血之續命丹也

鹿茸 甘溫無毒形如茄子色如瑪瑙者良紫潤圓短者為上毛瘦枯縷火長生歧者為下酥炙酒炙各隨本方但不可過佳有傷氣血之性炙後去頂骨用茸 本經主漏下惡血寒熱驚癇益氣強志生齒不老 發明 鹿是山獸屬陽性淫而遊山夏至得陰氣而解角從陽退之象麋是澤獸屬陰性淫而遊澤冬至得陽氣而解角從陰退之象鹿茸功用專主傷中勞絕腰痛羸瘦取其補火助陽生精益髓強筋健骨固精攝便下元虛人頭旋眼黑皆宜用之本經治漏下惡血是陽虛不能統陰即寒熱驚癇皆肝腎精血不足所致也角乃督脈所發督為腎藏外垣外垣既固腎氣內充命門火不致妄動氣昇津得以凝聚扶陽固陰非他草木可比八味丸中加鹿茸五味子名十補丸為峻補命門真元之專藥傳尸瘡癩脊中生蟲習習痒痛浙浙作聲者同生犀鼈甲入六味丸中其殺蟲之力與天靈蓋同功近世鹿茸與麋茸等卒能辨別大抵其質粗壯而腦骨堅厚其毛蒼鬣而雜白毛者為麋茸其形差瘦而腦骨差薄其毛黃澤而無白毛者為鹿茸鹿茸補督脈之真陽麋茸補督脈陰中之陽不可不辯

鹿角膠 甘微鹹溫無毒河南者味甘溫為上泊上者味鹹辛為下又生取成對者力勝解下單角力薄凡角大而毛色淡白者即為麋角能補陽中之陰熬膠法取角十截用長流水浸三日刮淨入黃臘煮三日夜乾即添水三日夜足去角取汁重煎滴水不化膠成切片陰乾不可日晒曬則融化成水矣今市者多以黃明膠加楮實偽充不可不察取嫩角寸截置小罈中酒水相和益益泥封糠火煨三伏時搗細如霜名鹿角霜 本經主傷中勞絕腰痛羸瘦補中益氣力婦人血閉無子止痛安胎久服輕身延年 發明 鹿角生用則散熱行血消腫辟邪熬膠則益陽補腎強精活血總不出通督脈補命門之用但膠力稍緩不能如茸之力峻耳互參二條經旨乃知茸有交通陽維之功膠有緣合衝任之用然非助桂以通其陽不能除寒熱驚癇非龜鹿二膠並用不能達任而治羸瘦腰痛非輔當歸地黃不能引入衝脈而治婦人血閉胎漏至若膠治傷中絕勞即茸主漏下惡下也膠之補中益氣力即茸之

益氣強志也。膠之輕身延年卽茸之生齒不老也。歷攷別錄外臺千金等方。散血解毒居多。非如近世而一溫補為務。殊失聖賢一脈相傳之義。○鹿角霜治火不生土脾胃虛寒。食少便溏。胃反嘔逆之疾。取溫中而不粘滯也。古方多製應用。今人每以煎過膠者代充其膠。既去。服之何益。○生角銹尖屑。消乳癰腫毒。○煨反行崩中積血。○鹿骨安胎下氣。作酒主內虛續絕傷。補骨除風。千金鹿骨丹用之。

鹿胎 甘溫無毒。其嚼尾蹄合。與生鹿無異者為真。其色淡形瘦者為鹿胎。若色深形肥者為麋胎。慎勿誤用。能損真陽。又獐胎與鹿胎相類。但色皎白。且其下脣不若鹿之長於上脣也。其他雜獸之胎。與鹿胎總不相似也。入藥取真者。酥炙黃用。發明 鹿性補陽益精。男子真元不足者宜之。不持茸角莖胎入藥。而全鹿丸合大劉參香桂附。大壯元陽。其胎純陽未散。宜為補養天真。滋益少火之良劑。然須參耆河車輩佐之。尤為得力。如平素虛寒。下元不足者。入六味丸中。為溫補精血之要藥。而無桂附辛熱傷陰之患。但慎勿誤用麋胎。反傷天元陽氣也。

麋茸 甘溫無毒。修治與鹿茸同。發明 麋肉大寒。食之令人陽痿。而麋茸大益陽道。以其陽精都聚於角也。其角煎膠。勝於鹿角。茸亦勝於鹿茸。然鹿之茸角補陽。右腎精氣不足者宜之。麋之茸角補陰。左腎血液不足者宜之。此乃千古微旨。治虛損有二至丸。兩角並用。但其藥性過溫。偏於補陽。非陰虛者所宜。其麋膠主治。與鹿膠無異。而兼補陰血之功。過於鹿膠。但驗其角大而毛者卽是。惜乎本經但言麋脂療癰腫。惡瘡死肌。寒熱濕痺。四肢拘緩。不收風頭腫氣。通腰理。從無及乎茸角之用。彭錢延齡方有麋角粉。千金變為麋角丸。以麋性喜薑蒲。故修煉服食方用之。金匱云。麋脂卽梅子。若妊婦食之。令子青盲。男子傷精。皆性冷。傷厥陰肝經之驗也。

麋鹿肉 麋肉甘寒。鹿肉甘溫無毒。發明 凡獸之有角者。皆能助肝腎督力。而麋鹿之角多歧。故力能拒虎。為角獸之冠。則鹿肉之補陽。麋肉之益陰。所不待言。鹿之一身所稟皆陽。最能益人。人以陽氣為主也。麋之一身所稟皆陰。惟角為陰中之陽。較之鹿角純陽無陰倍勝。而週身血肉筋骨皆不足。取鹿肉之生者。主中風口僻。不正。對碎薄貼。辟上。正急去之。不爾復牽。向不僻處矣。○鹿血起陰器。止腰痛。療折傷。和酒服。治肺痿。胸中諸氣刺痛。飲之立愈。鹿筋。大壯筋骨。食之令人不畏寒冷。但須辨骨細者為鹿。粗者卽是麋筋。誤食多致痿痺。○凡服丹石藥人。勿食鹿肉。以其食百草之毒。善解諸藥之性也。



麝 甘寒無毒 發明 麝之性怯畏人以其膽白易驚也其肉雖肥但能悅澤人面不能助人膂力以其善躍而無久常之力也膽能治人粗豪之氣若人素常膽怯者為之切禁其骨主虛羸泄精麝喜偏陰而骨主精氣也綱目言其甘溫安有膽白易驚而性甘溫之理

麝腦 辛溫無毒不可犯大妊婦禁用用力能墮胎今人以荔枝核燒灰入燒酒拌和混充不可不察 本經辟惡氣殺鬼精物去三蟲蠱毒溫瘧驚癇 發明 麝香辛溫芳烈為通關利竅之專藥凡邪氣著人淹伏不起則關竅閉塞辛香走竅自內達外則毫毛骨節俱開從此而出故本經有辟惡氣殺鬼精物去三蟲蠱毒諸治也其主溫瘧驚癇者借其氣以達病所也嚴氏言風病必先開麝香丹溪謂風病必不可用皆非通論蓋麝香走竅入筋能通筋竅之不利開經絡之壅遏若諸風諸氣諸血諸病驚癇癱瘓諸病經絡壅閉孔竅不利者安得不用為引導以開之通之惟中風表證未除而誤用之引邪入犯如油入麵莫之能出致成痼疾為之切戒而救苦丹治墮腫結塊方用硫黃辰砂入麝煇化隔紙壓成薄片以少許灸患處無不立應濟生方治食瓜菓成積作脹及飲酒成消渴者皆用之蓋果得麝則壞酒得麝則敗此得用麝之理也

貓 甘酸溫無毒 發明 貓捕生鼠虎噉生人大小雖異稟性不殊虎嘯風生而治風痺腫痛貓噉鼠而主鼠瘰寒熱故肘後方取貓肉作羹消鼠瘰結核已潰未潰皆愈但助濕發毒有濕毒人忌之其頭骨及腦眼酥炙亦治瘰癧鼠瘰其毛煇存性博瘰癧潰爛貓尿治蛇蝎入耳滴入即出以薑擦貓鼻或生葱刺鼻取之尿治痘瘡倒陷臘月取乾者燒存性用之貓胞治噎膈反胃以純陽之性未散故取以開陰邪之結也方用一具酥炙為末入腦麝牛黃鬱金各少許津唾之服之于嘗以格致之理論物類貓之體陽而用陰性稟陰賦機竊地故其目夜視精明而隨時收斂善跳躍而嗜腥生不熟食而能消化血肉生物一皆風火用事得雪水則蠢動以雪之體陰而用陽物類相感之應若此而食江中鱸魚之骨其胎必墮按異物志云鱸是鱮鳥所化故腹內尚有鳥腎二枚與雀入淮水為蛤無異其肉中細骨如毛粘腸不脫而致傷胎物類感觸之應則又如此

狸 甘溫無毒 發明 狸之與貓同類異種以性溫散故其骨炙反善開陰邪鬱結之氣鼠瘰寒熱為之專藥千金以肉治遊風蘇頌作腫治鼠瘰元化取頭骨千金用陰莖總取攻毒破結之義時珍曰狸骨貓骨性皆相近可用

狼 肉鹹熱無毒。發明 狼脂摩風首推而本草不錄亦一欠事。狼肉補五藏厚腸胃填骨髓有冷積人宜食。○  
狼性追風逆行。故其矢燒烟能逆風而上。燒灰水服治骨鯁。以其性專逆行而無阻滯也。

兔 辛平無毒。妊娠忌食兔肉。合乾薑食之成霍亂。發明 兔無脾。故善走。二月建卯木位木剋戊土。故無脾。其  
肉性寒。能治胃熱嘔逆。腸紅下血。其腦為髓之精。性善滑胎。故兔腦丸為催生首藥。然須臘月取活兔用之始驗。○

兔肝明目。目屬肝。宣氣獨勝。且得至陰之精。可救目暗之疾。其尿謂明月沙。又名望月沙。治目中浮翳。痘瘡患眼。但  
瞳人無損者。用以煨灰存性。日日服之。其醫自退。又方兔屎一味。為末。生雞肝搗爛。為丸。空腹穀精湯服之。醫厚加

雞內金。尤捷。兼治勞瘵。五疳疔瘻。殺蟲解毒。黃帝曰。兔肉和獺肝食之。成道尸。

狐陰莖 甘平有小毒。發明 狐屬陰類。故其莖主女子絕產。陰中養。小兒陰癩卵腫。以狐陰善縮入腹也。

水獺肝 甘鹹平小毒。發明 獺者水獸。水性靈明。故其性亦多智詭。性專嗜魚。魚之生氣都聚於肝。是以獺肝  
專主傳尸。瘡癩。殺蟲之性。與獺之捕魚不殊。蘇頌曰。諸畜之肝。皆有定數。惟獺一月一葉。十二葉間有退葉。斗柄建

寅之月。值其氣退之時。反為諸魚所蝕。月令所謂獺祭魚者也。以其治療有驗。故仲景治冷勞。有獺肝丸。崔氏治蠱  
疰。亦有獺肝丸。孟詵云。疰病一門。悉患者。以獺肝一具。火炙。水服方寸匕。日再服之。葛洪言。尸疰乃五疰之一。病則

使人寒熱沉沈。默默。不知病之所苦。無處不惡。積月累年。淹滯至死。死後復傳他人。乃至滅門。覺有此候。惟以獺肝  
一具。陰乾。為末。水服方寸匕。日三。以疰為度。如無獺肝。獺爪亦可應用。小兒鬼疰。及諸魚骨鯁。皆燒灰酒服。獺肝之  
用。當不出乎此也。

山獺莖 甘熱無毒。發明 山獺。稟南與純陽之氣。故其性最淫。專主陽虛陰痿。精寒。山中有此。凡牝獸皆避去。  
獺無偶。則抱木而枯。凡女春時入山。獺聞婦人氣。躍來抱合。牢不可脫。因扼殺而取之也。

膈肭臍一名海狗腎 鹹大熱無毒。以漢椒樟腦同收。則不壞。發明 和劑局方。治諸虛損。有膈肭臍丸。滋陰丸。藥中  
用之。精不足者。補之以味也。令人多於房術。方中用之。亦可同糯米法。麴釀酒服。但功專補陽。陰虛切忌。此物牝者

最多。而牡者絕少。海州人博得牝者。以家狗外腎用筋縫上。熨貼如生成。無二然。牝戶與穀道連合為一。雖用生筋

縫。其孔較牡者大。而且長。以此辨之。最為有據。

牡鼠 甘溫無毒。取膽法用活鼠繫定熱湯浸死破喉取膽真紅色者是也。誤食鼠噉之餘令人發瘰癧。以貪慾之火蘊積饒涎也。發明 癸水位在於子通氣於腎其目夜明其精在膽故膽能治耳聾目盲睛能明目骨能生齒皆益腎之驗。肘後方治三十年老聾卒聾不過三度即愈。令人側臥聽膽汁入耳盡膽一枚須臾汁從下耳出初時益聾十日後乃瘥也。生鼠血蘸青鹽擦牙宣有效。初生小鼠香油浸腐化取塗火燙致少水能制壯火也。若生毛則不能消融矣。牡鼠糞俗名兩頭尖驗其直者方是牡鼠之矢入足厥陰少陰故煮服治傷寒勞復陰陽易腹痛研末服治乳癰燒反存性傅折傷疔腫所主皆厥陰血分之病又犬咬先洗去牙垢惡血用鼠糞炒研黑糖調塗即愈。

猬皮 苦平無毒細剉炒黑或酥炙用 本經主五痔陰蝕下血不止陰腫痛引腰背酒煮殺之 發明 猬者胃之獸也故肉治反胃胃腕痛最捷其皮除目中醫障本經主五痔陰蝕取其銳利破血也酒煮治陰腫痛引腰背取筋脈能收縱也南方金蠶蠱用猬皮為末酒服探吐之。猬腦猬肝治瘰癧狼瘡千金方用之但不可食其骨令人瘦劣。

人部

髮 若微溫無毒揀去白者先用滾水洗淨入湯成罐外用鹽泥固濟煨候內外罐通紅冷定研末置地去火毒用。本經主五癰關格不通利小便水道療小兒驚大人瘞仍自選神化 發明 髮者血之餘故能治血病雖曰補真陰療驚痢理欬嗽固崩帶止血暈而實消痰生新能去心竅惡血並煨過服若煨之不透反能動血合雞子黃香油煎之消化為水則治小兒胎驚及塗癩瘡有效用入膏藥中則長肉消痰本經治五癰關格不通利小便水道皆取其利竅散痰之功其療小兒驚大人瘞以能達肝心二經開通痰血之滯也仍自選神化者言服自己之髮則勝用他人之髮也但胃虛人勿用以其能作嘔瀉也亂髮功用與此不殊而刺下者尤勝取長之速也小兒胎髮煨灰大解胎毒而補先天血氣以純陽未離也。

頭垢 鹹苦溫小毒 發明 頭垢乃相火之餘氣結成專開鬱結之氣乳癰初起煨灰酒服即消以其善祛胃中積垢也。

人乳汁 甘鹹平無毒 發明 乳汁治目之功甚捷目得血而能視乳即血之源也用以點眼豈不相宜老人服

食尤良。但脾虛易瀉者勿食。日中曝乾入參苓丸服尤為合宜。

爪甲 甘鹹小毒。發明 爪乃肝氣之餘。其性銳利。故能催生下胞。衣利小便。治尿血及陰陽易病。破傷風。去目翳。刮末治鼻衄。嗜之立止。又能治乳蛾。用爪指甲不拘多少。煨為末。蓬砂白礬各一錢。西牛黃一分。烏梅白梅肉各五枚。共搗如泥。含彈大一丸。痰大湧出三四丸即愈。但其方酸收太速。不無萌發之患。莫若探吐頑痰。迅掃病根。為愈人牙 甘鹹熱有毒。發明 牙乃腎之標。骨之餘。痘瘡倒靨。用人牙散。因痘瘡為風寒穢氣所觸。而變黑倒靨。用此煨灰。以酒麝蓬之。窺入腎經。發出毒氣。乃刮劑也。若伏熱在心。昏冒不省人事。及氣虛色白。瘡塌不能作膿。執那紫泡之證。正宜涼血解毒。苟誤用之。則鬱悶聲啞。反成不救。臨證審諸。

人中黃 甘鹹寒無毒。造法用大竹截段兩頭留節。削去外皮。傍鑽一孔。用甘草細末入滿於中。以蕉扇柄前圓塞孔。冬至浸大糞池內。立春後取出。懸風處晒乾。取用。又法如前製竹。不入甘草。但用蕉扇柄或杉木塞孔。浸糞池中。以取其汁。與金汁無異。僅供一時取用。不能久藏。糞清亦解瘟熱諸毒。又誤食毒菌。楓樹上菌。及過食銀杏。脹閉欲死者。悉能解之。并解砒石野葛野芋等毒。即家芋三年不收。花開如蓮者。亦能殺人。急取灌吐。方可得生。發明 人中黃取糞土之精。以解天行狂熱。溫毒發斑。最捷。然汁則性速。而能下泄。甘草製者。則性緩。而能解毒。兼治河豚菌毒。一切惡瘡。災病。用人中黃酒大黃末等分。無反酒服。須臾瀉利。毒即隨出。雖大渴不可飲水。飲水則毒邪不散。而難救也。急切不可得。以糞坑垢代之。

金汁 苦寒無毒。臘月取糞置罈中埋土內。越三年。取出如水者是。發明 金汁得土氣最久。大解熱毒。故溫熱時行。昏熱勢劇者。用以灌之。下咽其勢立減。初生小兒。週時內毒邪不散。服一二合。勝化毒丹。胎毒盡解。無痘疹患。此屢驗者。但胎稟虛寒。體瘦色白者。不可誤用。誤用反奪天真。多致夭枉。不可不審。園叟用以灌諸草木。即花葉茂盛。且無過壅傷花之患。

乾糞灰 鹹平無毒。發明 人屎取乾者煨灰。治小兒痘瘡黑陷。解時行大熱。狂走。蜜調塗疔腫。拔毒出根。總取解毒之迅耳。

溺 鹹寒無毒。童子者佳。不可見火。見火則腥臊難服。發明 人溺療寒熱頭疼。取其鹹寒降泄。也有客邪沖熱。

葱頭湯服之汗出即止而童子小便性純一切熱勞吐血陰虛火動骨蒸勞瘵用以降火最速產後血暈溫飲一杯  
壓下敗血惡血即蘇蓋漫溺滋陰降火消瘀血止吐衄諸血每用蓋許入薑汁一二匙徐徐服之久自有效然須乘  
熱服之以接生陽之氣冷則生氣散矣時珍云童便入胃隨脾氣上歸於肺通調水道下輸膀胱乃其舊路也故能  
清肺導火下行若多服久服亦能損胃滑腸故食少便溏者禁用傷寒少陰證下利不止厥逆無脈乾嘔欲飲水者  
加人尿猪膽汁鹹苦寒物於白通湯薑附藥中其氣相從可無格拒之患但胃虛欲作嘔者勿與恐助嘔勢反致不  
測也

溺白堊柳白 鹹平無毒煨過用 發明 人中白能瀉肝火膀胱火從小便中出蓋膀胱乃其故道也令人病口  
舌諸瘡用之有效降火之驗也但積垢之滓僅堪滌熱略無益陰之功耳

秋石 鹹溫無毒陰煉秋石法將大缸一隻近底三寸許艾火燒三十餘炷打成一孔杉木塞之秋月取童子溺  
入缸內衝河水攪澄定去木塞放去上水每日增童便河水如前攪之只留缸底者積至月餘用絹篩襯紙瀝乾收  
之○又陰收秋石法將鉛毬大小數十枚俱兩片合成多鑽孔眼入尿桶中浸每日傾去宿尿換溺浸之經秋收取  
置鉛罐藏之此為最勝○陽煉秋石將草鞋數百隻舊者尤佳長流水漂晒七日去黃色浸尿桶中日晒夜浸一月  
許曝乾烈日中燒灰頂類挑撥令燒盡滾湯淋汁澄數日鍋內燒乾重加雨水者浴袋撈紙數重瀝淨再澄半月餘  
銀缶器內者乾色白如霜鉛罐收之○又陽煉法以童子小便入鍋熬乾其鍋先燒通紅香油熬過洗淨則不粘滯  
傷鍋初如油脚入煨成罐或小鐵釜中煨通紅用熱水溶化置有嘴壺中將草掩塞壺口徐徐傾出下以竹筴襯紙  
瀝清再以文火收乾鉛罐收之則不溶化○又煉秋水法以秋石入秋露水煮化入煨成罐內新鐵蓋蓋定鹽泥固  
滿昇打三炷香取出再研如前昇打蓋內用水徐徐塗之水不可多多則不結又不可少少則不昇從辰至未退火  
冷定蓋上昇起者為秋水乃秋石之精英真虛羸之神丹也○凡人力製造之藥每多偽充而秋石之真者尤不易  
得有以食鹽蕙水者成者有以朴硝溶化製者有以鐵硝煏化而成錠式者其偽不一苟非雇庸督製總難輕用  
也試真偽法入滾豆腐漿中不結腐花者為真若結者即鹽之偽充也入口令人作渴入滾豆腐漿中起水紋而微  
苦者即玄明粉之偽充也入腹令人作瀉其傾成錠式入熱水不易化者即鐵硝之偽充也下咽令人發熱又以秋



石化水入青菜葉有項色不痿者為真。又以少許入眼不澀痛者必真無疑。其淡秋石入滾水不化者。即熟石膏末及滑石末混充也。發明 秋石以秋命名。專取秋氣下降之意。他時製者。功力則殊。製法以童溺煨煉。去其鹹寒。轉成溫補。能滋陰降火。而不傷胃。補益下元。真火散瘀。血助陰精。降邪火。歸真陽。止虛熱。嗽血。骨蒸。勞瘵之仙品也。火盛者宜生宜淡。陰虛者宜熟宜鹹。凡勞瘵陰火亢極。而不受參者。補益者。立秋石丸三方。次第施之。或服或噙。則喘救氣息漸平。痰亦易出。嗽亦省力。以其性味鹹降。而無上逆之患也。先用薑汁炒黑。大黃淨末。與秋石等分。煮紅棗肉為丸。空心服三錢。清熱散血。次用貝母秋石末各等分。生甘草末減半。仍用紅棗肉為丸。服之以止嗽消痰。後用人參秋石等分。炙甘草末減半。亦棗肉丸。以補氣安神。製劑之多少。隨於熱元氣而施。不可限以分兩。其陰煉淡者。性最下滲。苟非陰分熱極。難以輕投。陰虛多火。小便頻數。精氣不固者。誤服令人小便不禁。甚則令人夢泄。其鹹者可代鹽醱物食之。喘效煩渴不得寐者。以半錢是衝開水服之。即得安寐。覺時滿口生津。亦不作渴。補陰之功可知。陰煉淡秋石。治夏暑執淋。小便不通。及濁淋沙石淋肉淋。老人絕慾太早。小便淋瀝。瀉痛。一服即效。

紅鉛 鹹大溫無毒。即室女初通經水中之結塊。如櫻桃者是也。發明 紅鉛流穢之餘。其性大熱峻補。命門注火。陳酒服一枚。少頃蒙昧如醉。若連服二枚。則邪火內拒。令人暴亡。壯火食氣之驗也。

天靈蓋 鹹溫小毒。制法以香水滌淨。酥炙杵細入藥。或煎酒。或煨末。隨證取用。忌鐵器。發明 腦為髓海。諸陽之會。能辟一切陰邪不正之氣。故曰天靈。凡人身中氣血安和。諸邪不能侵犯。陰陽乖戾。則屍症之氣。得以乘虛襲入。是即瘵蟲之根氣也。若其人平昔陽衰。則蟲攻脊脘。脊中淫淫作癢。隱隱作痛。轉側不能自安。或時凜凜畏寒。或時翕翕發熱。手足四末常清。脈來弦細。乏力。非天靈蓋散不能療之。若其人素稟陰虛。則蟲蝕藏府。胸中嘈雜如饑。默默不知所苦。無處不苦。動則時效。時嘔。靜則善寐。善忘。面上忽時烘熱。脈多弦勁。搏指。此屬癩肝丸證。非天靈之所宜。其天靈散方。用炙淨三指大一片。赤檳榔三枚。白甘遂麝香真安息各三分。阿魏二分。辰砂一分。搗羅為散。桃枝煎湯。五更調進一服。約人行十里。嘔蟲不下。再進一服。天明進第三服。取下蟲物。急搗入油鎔熬之。其蟲嘴黃赤者。可卜病人血氣未艾。治之可愈。青黑白者。血氣已竭。治之難已。然亦得斷傳染之患。凡修合勿令病人知。擇僻淨處。忌雞犬婦人孝服者見。蓋下後忌肥鮮及鹽半月。白粥調養漸安。如病久不勝甘遂阿魏等攻。遂只以天靈蓋香

水滌淨仰置銀子器內或以醇酒隔水煮一官香酒耗旋添候一炷香足取酒服之少頃頭旋顛脹瘳瘳隨嘔吐出不長煩躁不寧酒服四五分即起然皆不得已而用之至於傳下部疔入枯痔散乃以人之至高之骨置之污下不潔之處雖極其神驗殊非仁人君子之用心舍此豈無他藥可治乎

人胞即精 甘鹹溫無毒取厚小色鮮者挑去血絡漂淨血水入椒一握沸湯泡去腥水以蜂蜜和長流水於舊錫器內隔水文火煮爛如糜綿絞去滓代蜜糊丸藥良 發明 紫河車稟受精血結孕之餘液得母之氣血居多故能峻補營血用以治骨蒸羸瘦喘嗽虛勞之疾是補之以味也自丹溪極言其功而吳球創大造丸雖世所推重然方中生地黃柏天冬麥冬龜版一派滋膩傷胃之品雖有人參一味反助羣陰之勢服之每致傷中嘔泄未見其可惟永類鈐方河車丸方用人包一具山藥二兩人參一兩茯苓五錢酒糊為丸近世改用鮮者隔水煮熟作丸尤為得力即虛人服之未嘗傷犯胃氣

胞衣水 鹹潤微涼無毒臘月取紫河車置有益瓦罐內深埋土中臨用取出不可留久久即乾矣或與生甘草末同入罐中埋於土中三五年後掘出即為藥也 發明 胞衣之性本熱而得土氣之化善能攝火歸元小兒丹毒諸熱毒發寒熱不歇狂言妄語頭上無辜髮墜虛癩等證天行熱疾咽痛及虛勞咽痛飲之立效反胃久病飲一錢當有蟲出

初生臍帶 發明 臍帶者人之命帶也用以煨末入硃砂少許蜜水調服以解本嬰之胎毒與內傷之用骨灰無異

胎元 鹹大溫小毒 發明 胎元雖墮下胎息淫火未離天真未剖較河車之性倍甚古方鮮用惟金剛丸用之雖以人補人然獸相食且人惡之况人食人能無惻怛之念乎